



खुंगा 37थि ईसान मोसाहरी गोसोखां सान फालिनाय, 2019
 खण्डा : क'क्राझार सरकारी फरायसालिमा बर' फरायसा थुनलाइ आफाद
 मायथाइ - 2018-19
 खालार : 06, 07 आरु 08 फेब्रुआरी, 2019 :: थावनि : क'क्राझार सरकारी फरायसा

अनजिमा

(41थि बिसान)
 ईसान मोसाहरी गोसोखां सान फालिनाय
 क'क्राझार सोरखारि फरायसालिमा बर' फरायसा थुनलाइ आफाद
 मायथाइ : 2018-19

ate : 3rd Sept. 2019

खालार : 07 आरु 08 फेब्रुआरी, 2019
 थावनि : क'क्राझार सरकारी फरायसालिमा बर' फरायसा थुनलाइ आफाद
 मायथाइ : 2018-19

गाहाइ सुजुगिरि मुसि प्लेट' दैमारी

बाउनाय



नै मुंख्लंफोर.....

नोंसोर हारिनि राव थुनलाइनि थाखाय गावसोरनि आगोमा जिउखौ बाउलांबाय । हे बर' थुनलाइनि मुंख्लं जोहोलाव जोहोलावजोफोर बर' बिमानि गोबोनिफ्राय जोनोम मोन्नानै बिमानि राव थुनलाइखौ सिबिनो अनसायनो रेंदोमोन नोंसोर । नै हारिनि आगोमा बर' थुनलाइनि जोहोलाव जोहोलावजोफोर नोंसोरनि गाव-गावनि थैखौ दै खालामनानै बर' हारिनि थुनलाइखौ फोजोखांबाय गोथार जिउमाया सोर्गोआव आलो गोजोनै थाहैनो मोनथोंसै आरो नोंसोरनि बोर सारस्रिनायाव जोंनि बर' हारियाव नोंसोरबादि जोहोलाव जोहोलावजोफोर उजिफैफिनथोंसै ।

- | | |
|-------------------|--------------------------|
| 1. अमलाराम बर' | 9. समबार मोसाहारी |
| 2. शिब'राब बर' | 10. एनजेलिस बाग्लारी |
| 3. दिन' बर' | 11. बिष्टुराम बसुमतारी |
| 4. कान्तेश्वर बर' | 12. हाइथाराम बसुमतारी |
| 5. मालसिं गयारी | 14. निदिराम बसुमतारी |
| 6. बुधबार बर' | 15. आजेन्द्रनाथ बसुमतारी |
| 7. खनसाइ बर' | आरो मिथिमोनै गोबां.... |
| 8. पानिराम बर' | |

नोंसोरनि आफाडाव जों बाउबाय बे नेहाद दिहुनगा 41थि बिसान

'अनजिमा' लाइसिखौ

नोंसोरनि उनसंगिरि इयुन जोलैफोर

सुजु आफाद

'अनजिमा' दिहुनगा ब्रैजिसेथि ।

अनजिमा

बोसोरारि लाइसि

(दिहुनगा 41थि बिसान)

क 'क्राइर सरकारी फरायसालिमा बर' फरायसा थुनलाइ आफाद

मायथाइ : 2018-19



क 'क्राइर सरकारी फरायसालिमा बर' फरायसा थुनलाइ आफाद

थावनि : क 'क्राइर सरकारी फरायसालिमा, क 'क्राइर

जिल्ला : क 'क्राइर, बि.टि.सि., आसाम ।

गाहाइ सुजुगिरि

मुस्रि प्लेट' दैमारी

अनजिमा : क'क्राझार सरकारी फरायसालिमा बर' फरायसा थुनलाइ आफादनि 41थि बिसान बोसोरारि लाइसि, 2020 इं आव खुंजानाय ईशान मोसाहारी गोसोखां सान फालिनायाव दिहुनजानाय।

मायथाइ : 2018-19

सुजु आफाद "अनजिमा"

थुनलाइ बोसोनगिरि :
मुस्री दैसा बरगयारी
मुस्री प्रसेनजित नारजारी
थरायना हाइनासि ब्रह्म

गाहाइ सुजुगिरि :
मुस्री प्लेट' दैमारी

सुजुगिरि :
मुस्री बिदिन्था बसुमतारी
थरायना भाग्यसि बर'
थरायना काजल नारजारि

बिखं महर :
सुजु आफाद।

अनजिमानि राव

1. आंनि मुडा अनजिमा।
2. आं जोनोम जादोंमोन 1968 मायथाइयाव।
3. आं बोसोराव खेबसेल' नुजायो।
4. आंखौ क'क्राझार सरकारी फरायसालिमा बर' फरायसा थुनलाइ आफादआ दिहुनो आरो आंनि थैनाय थांनाय बिसोरनि आखाइयावनो।
5. समजों लोगोसे खाब जाहोनानै आं आगान सुरो। बर' थुनलाइनि गोनांथि बादियै जोनोमनि गुदियाव असमीय, गेजेराव र'मान आरो दा 41थि बर' थुनलाइ आफाद जथुम्मानि थांखिनि उनाव देबनागिरी हांखोखौ आं आंनि बिखायाव जायगा होबाय।
6. आंनि थांखिया जादों- बर' राव, थुनलाइ, हारिमु-सोदोमसि आरो माहारिखौ गोदान महर होनानै गुस्लायहोनाय।
7. आंनि मुडा अनजिमाब्लाबो आखुहा अनजिमा गैया।
8. क'क्राझार सरकारी फरायसालिमा फरायसाफोरनि गेजेराव गोदान लिरगिरि सोरजियानो आंनि थांखि।
9. आंनि बिखायाव राजखान्थिनि बाथ्राया जायगा मोना।
10. बर' थुनलाइखौ गेवलांसार होनायनि सोमावसारनायाव जालांनाय मुंख्लंफोरनि गोसोखांथि लाखिनायाबो आंनि थांखि।

॥ गोजोन्थों ॥

नोंथांमोननि अनसायजाथाव

ब्रैजिसेथि

'अनजिमा'

मायथाइ : 2018-19

सुजुगिरिनि रेवगनजों.....



गिबि गिबिआवनो आं कक्राझार सरकारि फरायसालिमा बर' फरायसा थुनलाइ आफादनि गाहाइ सुजुगिरि जानानै बयनोबो साबायखर बाउहरो आरो थुनलाइ फोथाराव गियान आरजिनो खाबु मोननायनि थाखाय आरो बिबान मोनजेननायनिफ्रायनो आंजों मदद होबोनाय क.स.फ.ब.फ.थु.आफादनि लेडाइ आफादगिरि थुनलाइ बोसोनगिरि आरो आफादनि गासै सोद्रोमाफोरनिसिम आंनि खुलुमनाय बाउहग्रोनाय जाबाय।



गुबुन गुबुन बोसोरनि बायदिनो बर' राव आरो थुनलाइखौ जौगाहोनो आरो फरायसालिफोरनि थुनलाइ सिबिनायखौ बांहोनो देग्लायबो 41थि बिसान "अनजिमा" लाइसिखौ दिहुननाय जाबाय। जाय सानस्रिनि थांखिजों क.स.फ.ब.फ.थु.आफादनि जिख्लाबनैसो लिरबिदांनि गेजेरजों दिहुननाय "अनजिमा" लाइसिआ बर' हारिनि जौगानाय, हारि माहारिनि सिनायथि होनो आरो बयनिबो अनसायनाय मोनगोन होननान मिजिं थिनाय थाबाय।

थुनलाइया जाबाय मोनसे हारिनि हायना जेराव गावनि महर मुस्रिखौ आयनायाव नुनो मोनो बिबिदो थुनलाइनि गेजेरजों हारिनि राव, हारिमु, सानस्रिखौ मिथिनो मोनो। बिनिखायनो थुनलाइ गैयाब्ला मोनसे हारिया थांनानै थानो हाया। बे थुनलाइखौ फेहेरनाय आरो जौगाहोनायनि बिबाना हारिनि इयुन जोलैनि सायाव सोनारो मानोना हारिखौ जौगाहोनाय आरो सिनायथि होनायनि गुबै बिजोंआनो जाबाय राव थुनलाइ। बिनिखायनो साफ्रोम बर' फरायसा फरायसुलिफोरानो बर' राव रायज्जायनांगौ, फरायनांगौ, हारिनि दानाय-लुनाय, आसार खान्थिखौ जौगाहोनो नाजानांगोन आरो थुनलाइखौ जौगाहोनो जेब्लायबो नाजाथारनांगोन।

बर'नि सासे आगोमा थुनलाइगिरि बिथां ईशान मोसाहारिनि गोसोखां सान फालिनायआ दिनैसिम 38थि बोसोराव आगान होबाय। बे गेदेमा थुनलाइगिरिखौ सिबिनाय गोसोखांनाया जोंनि बिबान बिथांनि गोसोखां सान फालिनायजों लोब्बा लाखिनानै दिनै "अनजिमा" लाइसिनि जोनोम।

जोबनाय फारसे आंनि गाहाय सुजुगिरिनि रेवगनखौ फोजोबनायनि सिगां नैबे "अनजिमा"

Govt. of Assam



OFFICE OF THE PRINCIPAL
KOKRAJHAR GOVT. COLLEGE

P.O. & T.O. KOKRAJHAR.
Dist. KOKRAJHAR, BTC (ASSAM).

From: **Dr. Banabina Brahma,**
Principal,
Kokrajhar Govt. College, Kokrajhar.

Phone: 03661-270245(O),

No. KGC/38/2016/१९१

Date: 31/01/2020

Message



It gives me immense pride and pleasure to know that Kokrajhar Govt. College Bodo Students Literary Society (KGCBSLS) is going to publish the 41st Edition of "Onjima Laisi" magazine in connection with the celebration of 38th Ishan Mushahary Festival, 2020. As Education is not only an act of acquiring knowledge but learning a skill to lead life and forming one's personality. We believe in openness of mind, dignity of conduct and mutual respect in the back ground of social, economic, cultural, religious and linguistic diversity and develop a confident understanding of the role of a student in the Global society

I congratulate the staff and students of Kokrajhar Govt. College who used various mediums of expression to present their ideas. As long as our ideas are expressed and thoughts kindled we can be sure of learning, as everything begins with an idea. I appreciate every student who shared the joy of participation in co-curricular and extracurricular activities along with their commitment to curriculum. The numerous achievement of the College is yet another milestone in the co-curricular activities. I wish the magazine will be able to highlight the immense contribution the institution has imparted towards the society of the region.

Principal,
31/1/2020

Kokrajhar Govt. College,
Kokrajhar.
Principal
Kokrajhar Govt. College
Kokrajhar

[vi]



Website : www.bodosahityasabha.org

Office of the
BODO SAHITYA SABHA
बर' थुनलाइ आफाद

Registration No. 94 of 1972
H/O E-mail : bsskoj@gmail.com

Head Office
R.N. Brahma Bhawan
Kokrajhar, BTAD, Assam, Pin-783370
Sub-Office
Socio-Literary Cultural Complex, BSS
Near R.N.S. ISBT, Bathouburi
Garochuk-Ahomgaon, Guwahat-781035
S/O. Email : bssjb@rediffmail.com

हामलायथि रादाब



आं मिथिनानै जोबोर गोजोननाय मोन्दों दि, ककगझार सरकारि फरायसालिमा बर' फरायसा थुनलाइयारि आफादा 38 थि इसान मुसाहारी गोसोखां सान फालिनायजों लोबवा लाखिनानै 41 थि बिसान “अनजिमा” लाइसिखौं सेबखांनो आखायाव लादों।

मिजिंथियो दि, बे लाइसियाव गासै गोजाम आरो गोदान जाखांबोनाय लिरगिरिफोरनि बेसेन गोनां लिरबिदांजों सावगा हामगा खालायगोन आरो बर' राव थुनलाइनि फोथारखौं गुवार खालायगोन। साननायफ्रा जाफुंसारथों विखौंनो मिजिंथियाव। गोजोनथों-

निसिम,

मुस्त्री प्लेट' दैमारि
गाहाइ सुजुगिरि, “अनजिमा”

(मुस्त्री तरेन बर')

आफादगिरि,
बर' थुनलाइ आफाद
27-01-2020

[vii]



Pramod Boro
President
createbodoland@gmail.com
(M) 9435026392

मावख'
दुलाराय बर' फरायसा आफाद
OFFICE OF THE
ALL BODO STUDENTS UNION

HO: BODOFA HOUSE, BAGANSHALI, KOKRAJHAR
P.O. & DIST.- KOKRAJHAR, BTAD(ASSAM)
ESTD: 1967

Motto : Unity, Survival & Prosperity

Lawrence Islary
General Secretary
lawrenceislary77@gmail.com
(M) 9435026410

Ref No. Bodofa House, Kokrajhar, ABSU/19

Date :05-02-2020

हामलायथि रादाब



सिम,

मुस्त्री प्लेट' दैमारि,
गाहाइ सुजुगिरि
“अनजिमा”।

मानिनां दैमारि,

गिबियाव आफादारि गाहाम हामलायनायखौं जासिग्रोबाय। क'क्राझार सरकारि फरायसालिमा बर' फरायसा थुनलाइयारि आफादा 38थि ईसान मुसाहारी गोसोखां सानखौं गाजा गोमजायै फालिनो लानायखौं मिथिनानै गोजोननाय मोन्दों। लोगोसे फालिथाइखौं जारिमिनारि गोजोरथि खालामनो थारखाय आफादनि 48थि बिसान “अनजिमा” खुगालाइसिखौंबो दिहुन्नो लानायखौं मिथिनानै गोजोननाय मोन्दों आरो सुजु आफादजों लोगोसे आफादनि गासै बिबानगिरिमोनिसिम साबायखर बाउहरखाय। भारत हादरनि 8थि फारिलाइयाव बर' रवाबो भारतनि संबिजिरि राव महैरै गनायथि मोनखानायनि उनाव बर' राव आरो थुनलाइखौं हामगुजु महैरै गायसननाय आरो फेहेरनायनि थारखाय खामानि मावनांगौनि बिबानाबो साफ्रोम बर'सानि गिलिर बिबान जानानै फेबाय। बे बिथिडव बर' फरायसा आफादनि मावनांगौ बिबाना बयनिखुइबो बांसिन। आं सानो फरायनाय आरो लिरनाय हुदानि गेजेरजों राव-थुनलाइखौं साबसिनै दावगाहोनो हायो। मिजिंथियो क'क्राझार सरकारि फरायसालिमा बर' फरायसा थुनलाइयारि आफादनि थांखि आरो नोजोरफोरा गोदान, गोजाम आरो गागि लिरगिरिमोननि रेबथुमनाय दाथायारि सोजिल्लु लिरबिदांफोरनि गेजेरजों खुगालाइसियाव रोखा-रोखा बेरखांगोन आरो इयुन जोलैनो राव, थुनलाइ सिबिनाय आरो फेहेरनायनि थुलुंगाखां लामा दिन्थिगोन आरोबाव बर' थुनलाइनि गुवार फोथाराव बेसेनगोसा थुनलाइ सोरजिनायाव बिहोमा होगोन।

जोबथारनायाव “अनजिमा” खुगालाइसि आरो “38थि ईसान मुसाहारी गोसोखां सान”नि थांखिया अराय जाफुंसारनाय आरो बयनिबो अनसायनाय मोनगोन मिजिंथिनानै गाहाम हामलायथि हरनाय जाबाय।

गोजोन्थों।

(प्रमद बर')
आफादगिरि

दुलाराय बर' फरायसा आफाद

लाइसियाव गावनि बेसेनगोसा लिरबिदांखौ दैथाइहरनायनि थाखाय गासैबो गोदान, गोजाम थुनलाइनि फोथाराव बिहोमा होबोबाय थानाय लिरगिरि सार आरो बेजों लोगोसे फरायसा फरायसुलिनिंसिम आं सुजु आफादनि जानानै साबायखर बाउहरनाय जाबाय । बोसोरारि लाइसि 41थि जर'खा बिसान "अनजिमा" लाइसिखौ गाब गोनां दिहुन्नायाव मदद होनाय क'क्राझार सरकारि फरायसालिमा बर' फरायसा थुनलाइ आफादनि लेडाइ आफादगिरिनिंसिम गुँरैयै साबायखर बावनाय जाबाय । बेजों लोगोसे बिबान मोनजेननायनिफ्रायनो आंखौ हेफाजाब होबोनाय आफादगिरि डा: बनबिना ब्रह्म आरो बेजों लोगोसे गासै बिबानाव थानाय बिबानगिरि आरो सोद्रोमाफोरनिंसिम लोगोसे सुंथाब समावनो जोंनो "अनजिमा" लाइसिखौ साफायना हरनाय स्वस्तिदीप प्रिन्टर्सनि बिगोमा आरो मावथि फारियाफोरनिंसिम आंनि गोसो गोरबोनिफ्राय अननाय आरो साबायखर बाउहरनाय जाबाय । जोबथारनायाव बे आंनि सुजुनाय 41थि बिसान "अनजिमा" लाइसियाव माबाफोर गोरान्थि एबा बानानफोरा (Spelling) गेबें जायाखैब्ला निमाहा होगोनखौ मिजिं लानानै आंनि सुजुगिरि रेबगनखौ एसेयावनो फोजोबनाय जाबाय ।

॥ गोजोन्थों ॥

बर' राव थुनलाइ गेवलांथों

अनजिमा जिउ लावथों

कक्राझार सरकारि फरायसालिमा— थांनानै थाथों

कक्राझार सरकारि फरायसालिमा बर' फरायसा थुनलाइ आफाद— थांनानै थाथों

"बर' हारिनि जै"

नोंथांनि फोथायजाथाव

प्लेट' दैमारि

गाहाइ सुजुगिरि

"अनजिमा" दिहुनगा 41थि

क.स.फ.ब.फ.थु.आ.

मायथाइ-2018-19

नाइखां बिलाइ

फारि नं / लिरबिदां	लिरगिरिनि मुं	बिलाइ
1. बर' माहारिखौ खौसे आरो सांग्रां खालामनायाव राव थुनलाइनि बिहोमा	—तरेन बर'	1
2. गोरोन्थि सान्नाया लाजि फोनांदों	—अमिसा ब्रह्म	4
3. 'उदांखौ आं लुबैयो'	—नोजोर बसुमतारी	7
4. जिउनि सिमां	—गुथाल बि. बर'	8
5. अनजालि नों आंनि जिउनि	—सोमखोर बसुमतारी	8
6. "उदांमि"	—Manash Brahma	9
7. गोसोनि खोथाया खुगायाव गेवा	—हिमालय ब्रह्म	10
8. "जिउनि अनजालु"	—सान्तना ब्रह्म	10
9. "माब्लाबा"	—श्री मन'ज ब्रह्म	11
10. दानस'नाय बिफांआवसो बांसिन बिलाइ खिलियो	—सुबुंसा बसुमतारी	14
11. सानजा अखोरानि जारां सान	—लोमसार बर'	15
12. "जारां साननि फुंबिलिनि सिमां"	—बिरखां बरगयारि	16
13. मुगा	—सुबुंसा बसुमतारी	16
14. सांग्रेमा	—सिनायसाथ बर'	17
15. सिमांनि राइजो	—सोरां कुमार दैमारी	17
16. संसारआव गोजोन्नाय गैयि	—सान्तना ब्रह्म	18
17. जलांनाय रदाय	—सादिन मुसाहारि	21
18. "बिबायारि आं संसाराव"	—बिथराय ब्रह्म	21
19. "आं बर'"	—फुंखा बसुमतारी	22
20. आइनि फंसे	—प्रेमानन्ट बसुमतारी	23
21. दायया मावब्ला साजाबो मोनो	—हिमालय ब्रह्म	24
22. नेथ'बाव आंखौ द'से	—नायथाव बर'	25
23. सोमखोरनि हांमा	—मिरिना बसुमतारी	26
24. थैनि बाना	—मिरिना बसुमतारी	27

फारि नं / लिरबिदां	लिरगिरिनि मुं	बिलाइ
25. हेंथा	—हिरेम्ब बसुमतारी	28
26. जिउनि सिमां	—निजिरा मुसाहारि	33
27. फैमालनि साया	—अमिसा ब्रह्म	35
28. "आस' खान्दा सिमां"	—समायना बसुमतारी	36
29. "गोदोनखौ हास्थायनानै"	—नायथाव बर'	37
30. हास्थायसुला गोसो	—सुजुथाय बर'	38
31. मिजिं	—फबन दैमारी	38
32. 'जोबथेनो हायासै'	—जेक्सन नारजारी	39
33. "सुजुफिनगोन गोदानै थालांनाय नोंसोरनि गोथार लु"	—थुलुंगा मुछाहारी	40
34. 'गोमबोर माहाजोन'	—लोमसार बर'	41
35. बर' बिमा	—मिच चन्द्रमुखि बर'	42
36. फुंबिलि	—अमिसा ब्रह्म	42
37. जारौलिं सान	—फबन दैमारी	43
38. लोगो	—सिनायसाद बर'	44
39. फुंबिलिनि जारां सान	—भाग्य लक्ष्मी ब्रह्म	44
40. गाहाइ नेहाथारिनि बोसोरसालिया रायफोरथि	-----	45





आर'नाय फरयसालिमा, (क'क्राझार)नि बादयारिनो बाछाय बान्था गथायनायनि नुथाय ।



मुखी सिनायसाद बर'नो ईशान उनसंगिरि बान्था गथायनाय ।



इउ.एन. एकाडेमी क'क्राझार फरयसालिमानि फरयसाफोरनो बासग'सार फरयसालिमा बान्था गथायनाय ।

क.स.फ.ब.फ.थु.आ.नि मावफुं सोद्रोमाफोर,
मायथाइ : 2018-19



ड० बन'बिना ब्रह्म
आफादगिरि ।



दानसोरं बसुमतारी
लेडाइ आफादगिरि ।



जया बसुमतारी
लेडाइ आफादगिरि ।



हाइनाप्री ब्रह्म
थुनलाइ बोसोनगिरि ।



दैसा बरगयारी
थुनलाइ बोसोनगिरि ।



सानसुमा बसुमतारी
गाहाइ नेहाथारि ।



जांगिला नारजारी
लेडाइ नेहाथारि ।



हेरेम्ब बसुमतारी
लेडाइ नेहाथारि ।



'प्लेट' दैमारी
गाहाइ सुजुगिरि ।



बिदिन्था बसुमतारी
सुजुगिरि ।



भाग्यसी बर'
सुजुगिरि ।



काजल नारजारी
सुजुगिरि ।



हाइलिन नारजारी
सोद्रोमा ।



भुमसोरं बसुमतारी
सोद्रोमा ।



वेलसन इस्लारी
सोद्रोमा ।



मिथिसार गयारी
सोद्रोमा ।



लिनिभार्स इसलारी
सोद्रोमा ।



रंजालु मोसाहारी
सोद्रोमा ।



प्रनन्त बसुमतारी
सोद्रोमा ।



प्रियंका नारजारी
सोद्रोमा ।



रिसार ब्रह्म
सोद्रोमा ।



सुजोन सुमफ्रामहारी
सोद्रोमा ।



सिमा ब्रह्म
सोद्रोमा ।



समायना ब्रह्म
सोद्रोमा ।



साहारा बरगयारी
सोद्रोमा ।



सानजारां लक्षेश्वर ब्रह्मनि थैनाय गोसोखां सान फालिनायाव बाहागो लाहैनाय।



खुंगा 37थि ईशान मोसाहारी गोसोखां सान फालिनायाव बेखेवनाय मोसानायनि नुथाय।



खुंगा 37थि ईशान मोसाहारी गोसोखां सान फालिनायाव बिबार बाउनयानि नुथाय।



खुंगा 37थि ईशान मोसाहारी गोसोखां सान फालिनायाव सावराय मेलाव बाहागो लाफैनाय आलासि बिथांमोन।



खुंगा 37थि ईशान मोसाहारी गोसोखां सान फालिनायाव आलासि बिथांमोनजें गेटनि सावगारि नुथाय।



सानजारां लक्षेश्वर ब्रह्मनि थैनाय गोसोखां सान फालिनायाव साबसिन बादायारि फरायसालिमा बान्था आजवानाय।

(सुंद'सल')

गोरोन्थि सान्नाया लाजि फोनांदों

—अमिसा ब्रह्म

टिफकाइ गुरुदेव कालिचरण ब्रह्म कलेज।

फैलागुरि बुंनाय गंसे गामि दंमोन। बे गामियाव बयनिबो धोनिस्नि खोमथा माहाजोन दंमोन। फैलागुरि गामिनि न'नि अनगाथैबो बेहा क'क्राझार नोगोरावबो बिल्डिं न' दंबावोमोन। आरो बे गामियावनो जोंब्ला मुंनि गोर्बि न'खर गंसे दंमोन। खोमथानि न'खराव गासै स्नि सा सुबुं दंमोन। खोमथा माहाजोननि बिफाया गंसे फरायसालिमानि गाहाय फोरोंगिरिमोन नाथाइ दा आजिरा मोनबाय। खोमथानि फिसाफ्रा गासै साब्रैमोन। फिसा हौवा सासे आरो साथाम फिसा हिन्जावफोर। आरो जोंब्लानि न'खराव नायल' जाल'सासेल' फिसा हिन्जावमोन। बेस्रा न'खराव गैथारा सानसे हाजिरा मावयाब्लानो ओंखाम खब'से मोनजाया। फिसा हिन्जावखौ जोनोम होन्नायावनो बिमायाबो जिउ गोमादों।

खोमथाया सासे गोरोन्थि सानग्रा, गुबुनखौ मुगैग्रा दुथां आखु, बियो गुबुन गोर्बि-गुन्द्रा सुबुंफोरखौ नुब्लानो लाजि फोनाडोमोन। सोरखौ लोगो मोननांगौ मोनफैखो आंलाय, मालायनि ओंखाम खालाय जाग्रा सैमाखौसो लोगो मोनफैबाय आंलाय होन्ना नै खुदै मुजुथारोमोन बियो। जोंब्लाखौबो बे बायदिनो नुब्ला, लोगो

मोनब्लानो सैमा बाहायोमोन। बेस्रा जोंब्लाया दुखु मोनोमोन गोसोजों गोसो नाथाइ मा खालामनो....मालाय धोनि सुबुंखौलाय मा बुंफिननो साननानै थायोमोन।

खोमथाया गावनि फिसा हौवा सासेखौ क'क्राझारवनो एउ.एन. एकाडेमि फरायसालियाव हष्टेलाव दोननानै फोरोडोमोन। फिसा हिन्जाव सानैखौबो न'निफ्राय हान्थिहोयोमोन। नाथाइ सासे फिसा हिन्जावखौ सैयामोन। बियो बेस्रा इसोरजों सोरजिहरजानाय महरखौ लानानै बिफा खोमथाजों इनाय खालामजायोमोन। मानोना बियो देरसिन फिसा हिन्जावमोन आरो बिनि आथिडा थोंसे रानखेबनाय जोनोमनिफ्रायनो। बेनिखायनो बे फिसाजोखौ उन्दैयावनो फोथैनो नागेरदोंमोन। नाथाइ बिबौयासो बासायदों। खोमथा बिसियाबो फिसायनि खोथा फंसेबो बारनो हायामोन। बेनिखायनो फैलागुरिनि गामिनि फरायसालियावनो फरायनांदों। आरो जोंब्लायाबो फिसाजोखौ गामिनि फरायसालियावनो जेरै हागौ एरै थोया थोयाथैनो फिसाजोखौ खस्थयै फोरेंदों। बेहा फिसाजोनि सायाव मिजिं दंदि गावनि आथिडाव गाव गसंनो हानाय लोगो समाजनि गेजेराव देरहासादनायनि

बर' माहारिखौ खौसे आरो सांग्रां खालामनायाव राव थुनलाइनि बिहोमा

—तेरेन बर'

गुवाहाटी-4

आफादगिरि, बड' साहित्य सभा।

जों बयबो मिथिखागौ थुनलाइआ मोनसे हारिनि आइना। राव थुनलाइ हारिमु गैयाब्ला मोनसे हारिया बेंगुरा जानाय बायदि। मुलुगाव हारि हिसाबै सिनायथि मोननो राव थुनलाइआ गोनांथार। बर' माहारिनि राव थुनलाइ हारिमुआ जोबोर रोहो रोहो मोनब्लाबो बिनि गोसारनाय बाहायनाय मालायजों गादबजानाय मुगैजानाय जावनाय उथिनो जाखांनो खाबु मोनाखैमोन। नाथाय बै समनि गोसो गुदुं बिमा रावखौ बोखांनो जानजि खानानै बिबार जेनथ'खा अलंबार हाथरिखि हाला खन्थाइ मेथाइ बायदि बिजाब लाइसि दिहुननानै मोनसे जांखिथाय लाबोयो। मुंख'जाथावयै सतीश चन्द्र बसुमतारी, इसान मोसाहारि, मदाराम ब्रह्म, रूपनाथ ब्रह्म, प्रमद ब्रह्म, दारेन्द्र आरो गोबां सानसुमै बिथांमोन। बिनि उनाव 1952 माइथायनि बर' थुनलाइ आफाद जोदोम जानायनिफ्राय आरो बाराद्राय सांग्रांथि फैयो आरो बर' मानसिफ्रा खौसे जानायनि खाबुखौ मोनो। बिनि उन बुब्लिनिफअराय माखासे लिरगिरिफ्रा थुनलाइ सोरजिनो आखायाव लायो। थुनलाइ सोरजिनाय गेजेरजों हारिनि जेंना

जेंगोनाफोरखौ लानानै रायथाय, खन्थाइ, भावथिना, सल'सल'मा लिरनानै खौसे खालामनो नाजानाय जायो। आफादा जायामोनब्ला रावनि सिनायथि बुंनाय फाव आदबआ आलादा आलादा जाना थागौमोन जेरै- ग'वालपारारि, कामरुपिया, दरंडीया, बोरदोन बायदि बायदि महर लानानै जायगा लागौमोन। नाथाय आफादनि नाजानायाव गासैबो खौसे आरो सांग्रांथि लाबोनो मोनसे बाथ्राखौ बुंनो हाबावयोदि बर'नि मोनसेल' आफाद दं बियो जादों बर' थुनलाइ आफाद जेराव गासै राजखान्थि लोब्बाथि, दोहोरोमारि लोब्बाथि थानाय मानसिफ्राबो बियाव फैनानै थान्दै जाफैनानै जथुम्मायाव बाथ्रा बुंनो हायो जायनि जावनाव बियो मोनसे Common Platform जानानै दं। बर' थुनलाइ आफाद आरो गुबुन गुबुन आफादनि दैदेननायावनो बर' बिजोंआ 1963 माइथायनिफ्राय जाफुंआमोनब्ला दिनै रावनि जेंना नुजाथिगौमोन। बिबो बर' माहारिखौ खौसे आरो सांग्रां लाबोदों। दुलाराय बर'खौ खौसे लाबोदों आरो हारि अनफावरि सानसिखौ बोखदाद खालामदों। 1987

माइथायनिफ्राय बड'फा उपेन्द्र नाथ ब्रह्म दैदेननायाव आलादा हादर बिनाय सोमावसारनायजों, बर' माहारिनि गेजेराव मोनसे गोदान जांख्रिथाय लाबोनो हादों बुंजायो। हारिनि गेजेराव Nationalism, Socialistic patern of Society दानायनि हांख्रायनाय लाबोनाया बर' माहारिनि थासारिखौ एसेब्लाबो गेरेमसा खालामदों आरो Awarness लाबोनानै मुंसे हारि हिसाबै थांना थानायनि इसाराखौ लाबोनो हादों। बै समावनो माखासे लाइसि, खुगा लाई, रादाब बिलाइ दिहुननानै हारिनि जेंनाफोरखौ फोसावनानै मोनसे जांख्रिथाय लाबोनाय जायो। आथिखालाव बर' रावआ भारत संबिजिरनि 8थि फारियाव 2003 माइथायनिफ्राय हाबनो खाबु मोननानै बे रावआ दाइनथि फारियाव हाबनाय लोगो लोगो बर' माहारिनि थासारिखौ गोख्रोंसिन खालामनो हादों बियो मोनसे गोग्गाथाव बाथ्रा। बे रावखौ माखासे Electronic media फोरजों फोसावजानायाबो बर' माहारिखौ गोख्रों खालामदों। आथिखालनि Globalisation आरो बिगियाननि मुगायाव बर' रावनि थासारिखौ एसे साननो गोनां। बे रावआ दानि मुगाजों फेर मारिनो हाथारनांगोन आरो समानै इंगजी रावजों आगान सुरफाना खारनो हाफानांगोन। राव थुनलाइ फोजौखांनाय फेहेरनाय थुनलाइ आफादनि बिबानगिरिफोरनिल 'नडा बियाव गासिबो हारि अनफावरि सुबुं लिरगिरि, सानसुमैफोरनि गोख्रों बिबाव दं। बे बर' रावखौ गामिनि जाम्बा जाम्बिफ्राल' बुंब्ला, फरायब्लाल'

जानाय नडा' बयबो थाखोनि बर' फिसाफ्रानो आंगो सानना लानो हानांगोन, बजबनांगोन, अनसायनांगोन आरो फेहेरनो नाजानांगोन। अब्लासो बे रावनि मर्जादाया थागोन। मोनसे हारिया राव थुनलाइ, हारिमुजोंसो खौसे जायो बियो थार, सैथो खोथा। हारि राव थुनलाइखौ मोजां मोन्नांगोन गोसो गोरबोजोंसो बायजोजों नडा। गोसो, बिखाखौ गुसु दाखालाम खर'खौ गुसु खालाम, अब्लासो गुबै अनफावरिया फैगोन। मुख'नो गोनां दि बर' थुनलाइ आफाद जोनोम जानाया 67 बोसोर, बर' बिजों जानाया 56 बोसोर सनाथि माइथाइ खुंनो हानाय जाबाय आरो भारत संबिजिरजों गनायजानाया 16 बोसोर जालांबाय। सोरकारि राव महरै गनायथिबो मोनबाय, गोबां बानथाबो मोनबाय, मिरु सरकारनि बायदि बायदि बादायारि आनजादफोरवबो बर' रावजों लिरनो हानायनि खाबुखौबो मोननो हाबाय। बिफोर बर' राव थुनलाइनि आगानसे आगाननै दावगानायनि बिदिन्थि।

नाथाय गोसोयाव मोनसे सोंथि जाखांफैयो बर' रावनि मानथाखो आरो बिखौ बाहायनाय, बुंनाय आरो लिरनायनि बेलायाव बर' रावारि मानसिफोरनि मादाव बेसेबां आंगोयै आजावजाखो। बे रावखौ मोनसे लिंक राव महरै माब्रै बाहायहोनो हागोन। बिनि बिबाना सोरनि सोर मावगोन बायदि बायदि सोंथि। गुवारै सान्ना नायहरोब्ला बे बर' रावखौ जोंनो जों फोथांनांगोन रावबो बिनि बिबान लानो फैनाय नडा आरो आंगो

महरै लानायबो नडा गुबुन रावारि मानसिफ्रा बर' रावखौ सोलोंनानै फालांगि महरैसो नाजावगोन। बिदिन्थि बायदियै दिनै मोगथां महराव नुनो मोन्दों बे रावखौ सरकारि मावख'फ्राव बाहायनायनि बेलायाव बिमा बाथुलनि फाव। बिटिसि सोरकार बाहायनो लानो नायगिरनाय समावनो गोबां हेंथा अजत फैनो हमो, बियो मा दिन्थियो? खौसेथि, गोजोन ना जौगानाय? बे बायदि अजतजों जेब्लाबो खौसे लाबोनो हाया। मानो होनब्ला बेनि फिथाइया उल्थासो जायो पजिटिभ जानो हाया हानायबो नडा। दिनै बे रावआ बिजों महर मोननानै हारिमा थाखोयाव सिनायथि मोन्नो हादों लोगोसे

संबिजिरनि गनायथि जानानै बे रावनि थासारिया अरायथा दिदोम जानायनि स्वब मोनदों। गुबुन रावारि हारि माहारिफ्राबो मिथिनो हादों जावनाव बर' माहारिनि सानसि आरो मान थाखोखौ जौगाहोदों। बिनिखाय जों साननो हायोदि, राव हारिमु आरो थुनलाइया मोनसे माहारिनि थांना थानाय आरो बिनि थासारिखौ रोखा खालामो आरो खौसेथिखौ लाबोयो। राजखान्थि आरो धोरोमजों मोनसे हारिखौ खौसे खालामनो हाया बे थार आरो बे लामाजों मोनसे माहारिखौ आंगो महरै बजबना लानो हानायाबो गोब्राब।



जिउनि सिमां

—गुथाल बि. बर'
ब्रैथि फरायसम
उदालगुरि जौमा फरायसालि।

सोरहा गैया जिउनि सिमां ?
सोरहा गैया जिउनि हाबिलास ?
दंजायहा सोलेराव जिउ
दं बिहानो गोरबोआव सिमां।
जोनोम गिबि फुंआव
जिउनि गोजोन बुब्बियाव,
सुजुदोमोन आंबो मोनसे सिमां
नुफेराखै नाथाय दिनैसिमबो नौनि मोखां।
खारफादौल' नौनि उन उन
सम-बोथोर-बैसोजो गोरबना,
थेवबो माथो मोनहास'वा नौनि सायखं
जोबहैगोन माल्ला, थद'गोन बबेयाव नौ ?
मुहिहाबो मुलुगा नौनि मायायाव
हालाय-हाफाय सुबुंआ नौनि आसायाव,
आलादा सुबुंनि आलादा सिमां
गाब गैया नौनि दिदोम महराव।
जाफुंनाय जाफुंङै जिउनि बान्था
लोगोरि बियो सुबुं जिउनि,
जेलासिम थागोन सुबुं जिउआ
अब्लासिम थागोन जिउनि सिमांआ।



अनजालि नौं आंनि जिउनि

—सोमखोर बसुमतारी
थाखो- जिसे (सेथि फरायसम)

आंनि जिउनि मोदायजो गोरबोनि अनजालिमोन नौं
गेलेनाय नडामोन आंनि नौंखौ मोजां मोननाया।
दिनै नाथाय मानो ? आंनि गोरबोनि गोथार
अन्नायखौ नेवसिनानै नौं नंखाय खालामखो ?
नडामोन अनजालि बियो दसे समनि थाखाय
अ'राय समनि थाखायसोमोन।

सिमाडावबो सानाखैमोन आं
नौं अनजालिखौ गुबुनजो आनज्रायलांगोन होन्नानै
नाथाय दिनै नेवसिबाय नौं अनजालिया गोरबोनि
गोथार अन्नायखौ।
सानदोमोन आं नौं अनजालिखौ जिउनि खालामनो
फैमाल नाथाय बे आंनि साननाया।
होलांबाय नौं अनजालिया गोसोयाव हाजासे दुखु
गालांबाय नौं अनजालिया गोरबोआव जुजायनि अर'
थांबाय नौं आंनि जिउनि अनजालि
आंखौ गारना हारसिडै।



मिजिं लोगोसे खस्थयै फरायलांनायनि गोगो
सोलोँथाइनि फिथाइ मोनजानाय।

बेबादिनो खोमथानि फिसाफोर आरो
जौब्लानि फिसाजोनि फरायनायफोरा सम आरो
बोथोरजो लोगोसे थांफागासिनो। थांफाबायानो,
बेवहाय गोबां फारागथि दं खोमथानि फिसा हौवा
सासे आरो फिसा हिन्जाव सानैया मेथ्रिक
आनजादआव थामथि बाहागोयाव उथ्रिलांबाय
नाथाय जौब्लानि फिसाजोया खस्थयै फरायनानै
सेथि बाहागोयाव 92 जौखोन्दो लाखिना गावनि
मुंजो लोगोसे बिफानि मुंखौबो जौंखांहोबाय।
लोगोसे खोमथानि फिसा हिन्जाव सासेयाबो सेथि
बाहागोयाव 89 जौखोन्दो लाखिनानै उथ्रिबाय।
नाथाय रिजाल मोनखांनायनि उनाव बिफानि गाज्रि
रावयै रायबाय थानायखौ सहायनो हायैनि गावनो
गावखौ फोजोबसांना जिउ खोमाबाय। फिसाजो
थैनायनि दान मोनथामनि उनावनो खोमथानि
बिफआयाबो थैबाय गोब्राब लोमजानानै।
खोमथाया गामिनि न'खौ गालांथ'बाय गावनि
बाय-बाहागिनि आखाइयाव। दा क'क्राझाराव
थाहैजोबबाय। बियो गामिनि हा हुखौ गया-फउया
गारा मानो नांगौ साननानै फानजोबलांबाय खालि
न'खौल' गालांबाय।

बेबादिनो सम आरो बोथोरजो लोगोसे
थांफागासिनो दं खोमथा आरो जौब्लानि
फिसाफोरनि फरायनाया। नाथाइ खोमथानि
फिसाला सासे फिसाजो सासेया लेखाजो
थगायजाबाय, खुनु-रुखुम सासेया फास

जाग'लांबाय आरो जौब्लानि फिसाखौ लेखाया
थगायनो हायामोन गसिबो आनजादआवनो सेथि
बाहागोयाव उथ्रिसारलांजोबबाय, बिफानि गोसोखौ
गोजोनहोबाय। नाथाइ थेवबो जौब्लाय खोमथाजो
लोगो मोनब्लानो लाजि फोनांजाबाय थाबावो।
नौनि फिसाजोयालाय मा खामानियाव स'लिनोसै
लेखा रेंब्ला मालाय, गोरिबनि फिसा गोरिबआवनो
थागोन। जौलाय माथो खेनथाम मेथ्रिक फेलआनो
धोनि सुबुं जानो हादो, धोनिया धोनिखा, गोरिबआ
गोरिबखालै जौब्ला जाम्बा। फोरौंनानै जेबो
मुलाम्फा गैया। फिसाजोखौ, बेबादि बुंजायो
जौब्लाय थेवबो जेबो बुंफिनामोन जेखि बुडा
बुंथोसै सानना। माल्लाबा मोदोमनाय बिबारनि
गन्दआ उरायब्लासो बुंफिनसिगोन आं खोमथा
साननानै। जौब्लानि गोसोया जोबोर मोजां,
रायज्जायनाया रावफोराबो गुरै माहिमोन। बियो
गुबुनफोरखौबो अननोमोन। बेनिखायनो गामिनि
मानसिफोर जौब्लायखौ सोमोन्दो लाजोबोमोन।
नाथाइ खोमथाखौ गोजाननिक्रायनो नुहरोब्लानो
मोखां सोम सोम जाजोबनांगौमोन लाजि
फोनांनायनि थाखायनो बेबादि बखिजानायनि
थाखाय सोरबा सोरबा नुफिनगोन नौंखौबो सानसे
होन्ना उत्तर होयोमोन।

बेबादिनो एसे गोबाव सम क'क्राझारावनो
थाबाय बेनि एसे सिगांनो गामिनि न'खौ
फानजोबलांखाबायमोन खोमथाया। आरो
क'क्राझारनिखौबो फाननो गोनां जाबावबाय।
मानोना गावहाबो जेबो खामानि मावा बिफाननि

थालांनाय जा थखा दंमोन बेखौ जाजोबबाय आरो फिसालायाबो जेरावबो उदाया गासियावबो आस' खान्दाजोब। आरोबाव बेनि सायाव फिसाज्जाया दुथां आखु, थआंखु-सिगारेट, द्रागस आरो जौ-बेदरजौं गोलैसोनानै थाग्रा। बेनिखायनो बेनियाव बेराम-आजाद सनदेरबाय सेंग्रा समावनो आरो बेखौ फाहामनो क'क्राझारनि न'खौ हाथैनो फाननानै गामियाव एसे हा लानानै एसे न' मोजां लुदोंमोन। आरो फिसालाखौ गोजान-गोजान, दाब-दाब जायगायाव फाहामनो लादोंमोन। नाथाइ हायाखैसै थैलांबायसो। दुखु जाग्रा जाहांबाय खोमथाया आरो फिसाजो सासेयाबो गुबुन हारिनि हौवाजौं हाबा जादोंमोन। नाथाय गथ' जोनोम होनायाव थैबाय। आरो सासे फिसाजोयाबो सासे फिसायजौं गारज्जायनानै सासे बिसि थैजानाय फिसाय लाफिनबाय। न'खरआव गैथारामोन हौवाहा जेब्ला गाव लोमजायो अब्ला फिसायखौ गावनि न'आव एबा खोमथा माहाजोननि न'आव लानानै फैबाय। खोमथा माहाजोनना गैला फिसाफ्रा

सासेबो बेल 'सै। बेखौ नायाब्ला बेबो थैलांगोन साननानै जा एसे मोजां न' दंमोन बेखौ फाननानै फाहामबाय, खुनु-रुखुम औवाजौं खाबथाबना थाबाय। गैला खोमथानि माहाजोन सोदोबा ससेयावनो गोमोरबाय। नायनाय जाय न'खरखौ मुगैयोमोन बे न'खरा मोनसे समायना बिबार बागान जाबाय।

खोमथाया दुखु-खस्थ सात जारलायाव गोग्लैबाय, सासे निखाउरि सुबुंखौ बखिग्राया गावसो गामियाव मोखां नुजानो हाया हाया जाबाय। दानिया, गावहासो बिहाउ, बिजामादै हाजिरा मावग्रा जानांबाय, अब्लासो खब'से एबा बोथिसे ओंखाम मोनजायो। नाथाय जौंब्लाखौ आनान ग'साइया अनहरबाय फिसाजोआ सासे हादर बेंग्रा महर लाबाय। बिनि न'खराव गोजौं आलारि जौंबाय। नाथाय खोमथा माहाजोनआ गैया गन्थंआनो दानस'जाबाय, गाव गोरोन्थि साननायखौ आंगो सानदोंमोन। दानिया उल्था लाजि फोनांजाबायसो।



(खन्थाइ)

'उदांखौ आं लुबैयो'

—नोजोर बसुमतारी

बि.ए. सेकेण्ड सेमिष्टार

बडाइगाव कलेज, बडाइगाव।

मिथिंगा बिखानि गुबुंले बारहावाहायाव

गोसोम जाना दं आं अराय,

जोबथेजानाय फानजारिनि मासे गुफुर दाउथुबादि।

सैथोखौ नागिरदोंमोन आंबो

नाथाय नागिरसेयावबो मोननो थाडासै,

जेंसि होथेना दोन्दों आंखौ सुथुरा

आंनि थाबायग्रा थार लामायाव।

सोरनिबा दायना मेगन नोजोराव

खामगलाबजानाय देहाखौ लानानै,

बाब्राब बाब्राब दावबायदोंमोन आं

नाथाय रुगुंखौनो नुहरनो मोनासै।

जारिमिनाव रोखा मुं दंमोन आंहा

नाथाय आंखौ बाउबाय जानांगौ,

आंनि बुंनाय रावफोरा दा

दैसो जालांबाय जानांगौ।

सान्दोंमोन हारिनि मुंसे मुं

नेरसोन महरै गालांनो,

नाथाय रोखोमबांनि सुबुं

साननाय हनाय रोखोमसे नडा।

सान्दों जानांगौ नोंसोरबो

बुजिस'नोसो हायाखै आंखौ,

आंबोदि अराय नोंसोरजौं

लोगोयाव मिनिफानो लुबैयो।

राहा गैया आंहा दा

हां लानोनो जोबोद गोब्राबसै,

खोमसि अंदरनि बार जानानै

गोहैलो जाबाय आं।

उदां अखांनि आंखाल आंहा दा,

उदांखौ आं लुबैयो।



बिनो नांदोंमोन। ओजोंहाय मेथ्रिक आनजादा गोबाव सम गैलिया, बेखौबो बावनानै दं गालाया थैनोबादि। बावखागोन मानोना बिजाबजों बिसोरहा सोमोन्दो गैथला।

“माथो जा होंगो दोंगोब्रा, बोरो बाथुल दखानालाय ? ए हनै माथो खाथियावनो लाय’।। मानसि बुरजाखाय होंगो दोंगो जानायजों आनदायदों गालाया। “अ’ खुरा ओइ लबारथा किमानब्रा” गालाया दखानिखौ सोंदोंमोन, अब्ला बुंदोंमोन “तिरिस टका जरा भाइटी।” आदुवाया खमायनोबो रोंखाया ब्ल’द लानानै आवगायो। एसेयावनो गावनि क्लास फ्रेण्ड जोमैखौ लोगो मोनो।

“अ’ गाला, आसोल.... मा लांफैदोंब्ला, हा आनजादिनि फरायनाया माबायदिलै दालाय।” गालाया फिनो “मोजांलै, माब्लाबा फरायगोन। आनजादिनि खोथा सोंबा खर’ सायो गालाया। एसेयावनो एरखेना ब्ल’द होबोबाय आसोला। “हाथाइ बाजारमानि फरायनाय आरिनाय सोडोब्ला दिउ दिउ रगासो जोडोलै आंहा माखि मोनजानो सोडा बेलाय, मोनबा उदैयाव सौगौमोन आं बेटाखौ” रगाजों गोबां बाथ्रा सानसोयो गालाया।

समा गैलिया गालानिबा मेला सम दंबावो। बेराफारसे कसिं क्लास जागासिनो दंमोन। नंमारगौ गालानियाव थांखिया गैथ’या। बिमा-बिफायाबो उन्दै समाव मोजाडै जेवरा होयैया, ह’ दाना आखलफ्रानो दैयावसो गोजावबाय माथो।

क्लासावथ’ क्लास खालामनाया खमखासै, फारसेथिं न’आव खामानि थोनजानो गिनानै स्कुलआव थांफ्लाबाय, आरिया बिनि हुदाखा।

सानसेखालि कसिं क्लासआव फोरोंगिरिया सोंबाय गालाखौ-

“नों Homework खौ लाबोदों नामा दिनें ?”

“आया.... बावबाबाय सार, सम मोनबा माब्लाबा लाबोथारगोन सार”

“दे थाब लाबो, हा आनजादिनि फराखौ फोजोबबायदा ?”

“जोबनायाथ’ जोबबायमोन सार, एसे दं बेखौ माब्लाबा फरायफिननोसै सार।”

“आं दाखालै Guide Book लाइनो थिन्दोंमोन, लाइदोंना लायाखै नों ? फोरोंगिरिया सोंबावो गालाखौ रगाजों।

“Sorry Sir,! लायाखै, बावदों, सम दंबावो सार आइआ माब्लाबा बाजाराव थांबासो लाबोफागोन नो।” “दानो बायबाबो बिजाबासो जिजोबगोनलै सार”।

बेबायदिनो फोरोंगिरिखौ थगायनाय, बिमा-बिफाखौ दाय होग्रा, फरायसाफ्रा बर’ समाजाव गोबां दंसै। गालाया दासिमबो स्निनि सानजाबफोरखौनो मोजां रोंजोबा। बेनो फोरोंगिरिखौ थगायो। गालाया गावनि खामानिखौ दानो फोजोबा माब्लाबासो फोजोबगोन। दानो मावखायोब्ला उनाव मा मावगोन, गासैबो दैयावसो गोमोरलांगोन। गावनि थाखाय गियानखौ बाहायनो

“उदांसि”

—Manash Brahma
B.Sc. (2nd Semester)
U.N. Academy, Kokrajhar

जोनोमगिरिखौ नोजोर होयोब्ला थासारियाव माबा साइखं, गांहाबनाय जिउनि लामायाव- गोरसावदों बिस गोजोननाय गैयै।

उदांसिनि मोदै निजोराया गगानो हालिया नामा ?

बर’ बिमानि गोथार फालियाव, हिंसागिरिनि गोसोम आगर।

आयौ हनै राजखान्थिनि दावहा, ओरैबो दं गाहो बालो-राजखान्थिनि दावहा, हरैबो दं उन्दै गेदेर धोरामनि दावहा।

बर’नि थैयाव दैमालुनि साव !

बेखायनो आंखाल जोहोलावनि जोनोम।

समाजा गोनां मानिबा उदांसि ? आरो...

उन्दै गोर्बिनावलाय मानिथो उदांसि ?

थालिर लायनि ओंखाम खालाय बिसोरनि

सोलास्लिमदों खंख्ला उदैजों जाय।

मानसिनि संसार दैनायाव हनै-
जोबनोगैया बिसोरनि उदांसि सिमना।

हास्थायो गोसो गोजोन संसार,
बेबो हामकेतु खोमसि नखांनि।

जारिमिननि गुदि बथ’आव,
जोहोलाव जोहोलावजोफोरनि थैनि निजोराया
मानिबा उदांसि होलांदों बे गोसोम समाजाव।

हारिमोनसेयावनो बायस’नाय जांख्लानि खौसेथि
अनागारि हान्थुनि सिंआव-

आरोबाव गैलिया उदांसि बर’ बिमानि
मेगन मोसेबदों उदां गोजोननि

फुंखानि मोदैया सिग्लाबदों गोरबो बिखायाव
बेबो बुंदों उदांसि खालि उदांसि।



गोसोनि खोथाया खुगायाव गेवा

—हिमालय ब्रह्म
थाखो- जिसे

जानो हागौ सना,
नों आंखौ जेब्ला लायोहोन्दोंमोन।
अब्ला आंहा गोबांथार नौनि
थाखाय अननाय गैयामोन।
नाथाय नौनि बे गोजों महरा,
आंखौ हर-सान एदाव फैदों।
होननो सानदोंमोन आं नौखौ लायो
नाथाय गोहो गैया,
बे लाजिगुसु गोसोआ सना
सान-हर सानदौल' नौखौ लानो
जानो हागौ सना आं,
नौखौ गुबुननि सिगाडाव अना।
नाथाय आंदि गावनि गोसो गोरबोजों,
नौखौ बेसेबांदि आनो।
रावबो मिथिया जानांगौ सना,
दि आं नौखौ लायो होन्ना,
नाथाय आंदि नौखौ लायो।
गिखांनाय दं सना नौखौ आंहा
नों आंखौ लामा ससेयाव गारलांबा,
हांमा थागोन सना।
दुखु-दावदाब थागोन सना
सानोबो आं सम सम नौखौ लायो होननो
नाथाय आंनि गिख' गोसो
हरावसो सानना गियो
नों बिदिनो आंनिफ्राय जानगारगोन।
दा साननों सना,
आंखौ लाया होन्ना,
नोंनो आंनि थैस' थांस'नि जिउ।❖❖

“जिउनि अनजालु”

—सान्तना ब्रह्म

मायाथिलि बहुमाव सुबुंमिनि संसार
बायदिमैया गाब गानाय
फंसे रावबो फोजोबहाया खुगानि राव
सोरनिबा जिउआव रंजा-बाजा
सोरनिबा जिउआव दुखुनि मोदै
आंनि जिउनि अनजालुआबो
बे संसाराव
बिमा हादोरखौ बिसिनो थाखाय
गावनि दुखुथिया जिउनि गिनायखौ गारनानै
दिनै भारतनि सासे रौनिया हान्जा
गावनि न'खरनि अनलायनायखौ
गोसो सिंनि दखरसे जायगायाव दोनखुमाना
हादोरनि सासे जोहोलाव बेंगिरि
अनजालु गोराया दिनै
गोहो-बोलो लानानै सुथुरफोरखौ
हादोरनि सिमना, हाजो-हाला, हाग्रा बंग्रा
बायदि गिखंथाव जायगायाव थानानै
सिखार खालामगासिनो दं
दिनै बोराय बाथौनि सेराव
अनजालुनि थाखाय फंसे आर'ज
जेरावखि थाया मानो अनजालुया
मोजाडै थांनानै थाथों
दावहाथिलियाव बिखा फोरदाननानै
गोजोन खौसेथिनि गोजोन्नाय लाबोनो हाथों।❖

(सुंद' सल')

“माब्लाबा”

—श्री मन'ज ब्रह्म

B.Sc. (नैथि फरायसम)

इउ.एन. एकादेमी, क'क्राझार

“आया! दिनैथ' बाथौ मेला दडलै
बावदोंसो। लोगोफोरजों थांथारनांगोन।” अखा
नायसि जाब्लानो बबाव मा जागोन, बहाबा
माबाफोर मोनलोंगोन, मोनजागोन नामा
बेफोरखौल' थाल लासै गालाया। मोनासि समाव
लोगोफोरजों ओंखारलांबाय दिनखाना
दावब'फोरबादि फालो फालो। लामा सामा
गेदेरफोरखौ मान होला, सिखिरि सिख्लाफोरखौल'
जंखायनो रोंसै दानि सेंग्राफ्रा। हैदिनखालि मायब्रानि
माथाखौ खाबथामसो लोंना हरसे थाला
मोसादोंमोन गाला आलाबावदामोनहा।
बिमानिफ्राय बाजौ बिफानिफ्राय बाजौ जि रां आरो
गावनि सिफिनि नैजौ बाजि रां लाना मेलायाव
दाव दावदै, जुवा गेलेबायदोंमोन। मोनदोंब्ला
बबाव मामब्लेदओसो ब्लेद ब्लेद गलांगासिनो
दं मानि बेगनिफ्राय। गरनैसो थालांनाय रंजोंनो
अमाबेदर सावनाय बायदों, लोंदों पुर्थि खालामदों।
गय खान्दिसे बायनानै सिगारेट सोबनायाथ'
बिसोरनि हुदासोखआ। दांतल गामिनि बाथौ
मेलाखौ हरनि थाम बाजिसिम नायनानै गालाया
फुंनि 10 बाजि जादोंब्लाबो एमआव उन्दुनानै एम्बु

बंगला बुजानाय बादि गोलाव-लाव लावहाबना
दंमोन। सिमां नुदोंमोन गांलाब गांलाब थाखाया
बिनि बागसुआव हाबफैनाय। बेयावनो थाखाखौ
मोनबायखोमा साननानै मेगन खुलियो, नाथाय
नुबाय न'नि सिंआव न' बेनि सिंआव आं। “थोद
साला! आयै...बेबायदि फैसा मोनब्ला आमीरखान
मोनबादि न' लुनानै गारि बायनानै आद्रा जौ ना
बेदर रद' रद' जासिगौ आं।”

नंमारगौ बेबादि बाथ्राखौ आथिखालनि खना-
खनला मानसिफोरा गोबां सानसोगारो। नाथाय
सानब्लालाय मा जानो, बेफोरखौ मानफुडाब्ला।
बेखायनो बेफोरखौ जुजिनो गियाननि बोलो
फोरानांगौ। नडाब्ला बैथागैयै नावबादि महरलायो।

“अ' दिनैथ' काजोलगाव बाजारलै,
बावदोंसो लबार लायनो थांनांगौ, जानाय नडा”।
गालाया बेबादि होननानै दाफुं सिखारनानै
ओंखारलाडो। दा लिंरनाय फरायनाय गैथला
सानफा थोलो दाव, सेसा, एन्जर होसोनाय,
मालायनि न'न' सैमा आथिंनि बेरायनाय, गेलेनाय
आरियाव जेसेबां सम थांदोंमोन, wrong
Numberजों रायज्जायनायावसो बांसिन समा

“जारां साननि फुंबिलिनि सिमां”

—बिरखां बरगयारि

आरिमु जालिया नैथि खेन्दो
बेंथल फरायसालिमा।सुग्लाबनाय नॉनि बिखायाव मोन्दांदों
थाजिम गोजोन फाग्लि बारनि बिलिरनाय
अननाय बेनॉनि
गोरबो बिखा सिंखाउदों
गेजेर मैखुनाव सुग्लायहैदों।बेरेंसि दैसानि हाब्रांनि
दानफायनाय बैग्रि बिफां मुरायाव ज 'ना
आं गोमोहाब सिमां नुफ्लांदों
नॉजों आं गोबालायदों
जारौ खाउलायाव सब खुदुमदों
स 'ना आगै बुंना जेब्ला रसिनै गोबाख्रबदों
बिखायाव बैग्रि सुआ खें हाबदों
बिखायाव बैग्रि सुआ खें हाबदों
सिरि मोन्दों अब्लासो सानबोलाउरि गोसोआ
अह..... !! बैग्रि बिफां सोलाय माथो
आं मिनि-मिनि आन्जायबोफिन्दों।
देमसि बिबार बारग्लानायाव
सान रोदानि आबिरजों जोंथि स 'नाथि निहिरफोर,
जारां सानाबो लाइमोन जाबोहांबायमोन
आं थाबायनाय आगानाव
दुब्लि हाग्रानि निहिरफोर ज़ब ज़ब सिरिगारदों,
लामा ससेयाव आंनि आगाना सौथुदों
आं हारसिं मिनिफ्लांदों
सानजा नखांआव नायहरना
आं गोलाउ हांमा सुरदों
नंदों आं
अह... !! जारां साननि फाग्लि सिमां। ■

मुगा

—सुबुंसा बसुमतारी

थाखो- द 'थि फरायसम
कक्राझार सरकारी फरायसालिमा।खोमसिनिफ्राय लासै लासै ओंखारबोबाय
सानजाहा जारां सान
महर लानानै समायना आलायआरन
फुंबिलिनि गोजोन रादाब लानानै।
समा थांदों हालो दैलो
बैसोखौ नेना थायाखै
सम थोआ थोआ मोन्दों
उन्दुना थानो।
मुगा बे दिनैनि दावहा थिलि
जुजि लाइनाय मेलेमनि
खोमसिखौ बोखारना
मुलुगाव स्रां लाबोनाय।
गोहो गोनांआ गोहो गैयैखौ नासयदों
सोरनिबा राव हारिमुवा गोमालांदों,
समजों गोरोबनो रोडाब्ला
अराय थानांगोन अमबासि हराव।
मिथिनो लुबैनाय आरो नाजानायजों
बेसेबा गिदिर बुहुमा.....
जानांबाय दिनै दरसे गामि।रोडियाव बियो सासे आदुवामोन। गालानि
बादिब्ला मेथ्रिक आनजादा जि दान दंबावोमोन,
नै दानल 'सै, बेखौबो 60 सानजों रुजुबाय, उनाव
घन्टयावसो सोलायबावो। अब्लाबो सानो गालाया
“मेला सम दंबावो माथो, दानो फरायखायोब्ला
उनाव बावहैजोबगोनसो, हाबाथाय फरायनो गोसो
जाया।”आनजाद हैखालि साननैसोल' नायदों
गालाया, बिफाजों बुजानो गनायनि। खुरसाव-
खुरसि मोनसावजोबबाय गालानि गोसोया।
गल 'ल' जिरायनानै नायबाय थादोंमोन, गैया गासै
आयदानि नम्बरआ जयै लाना 178 ल 'मोन। बेबोगोदोना फोलावनानै, नखल नायखोमाहैनाय
लेट्रिनआव बेफोरजोंसो मोननायमोन। फास जानो
2 नम्बरल 'सैमोन, खर'आनो जायाब्ला मारै
मोननो। लासिं सिं लोगोफ्रा आनजादखौ
बारग 'लांबाय, बेहाल' सान्द्रियाव जुजाय जानानै
नांथालांबाय।मालाया फास जानायनि मिसथि जायोब्ला,
बिहा जौ बेदर, जायो, जोबनायाव लाजिनानै न'
गारना बेंगालर होसोलांबाय गालाया। गालाया बेसेन
गोसा समखौ बावगारना, माब्लाबा मावगोन,
फोजोबगोन होननानै मा जाखो..... बुजियोब्ला
मोदै गयो बिहा।

दानस 'नाय बिफांआवसो बांसिन बिलाइ खिलियो

—सुबुंसा बसुमतारी

क 'क्राइर सरकारी फरायसालिया
द 'थि सेमिस्तार

दाला फारानि साथिराम। गंसे फिसा न 'खर सानफ्रोमबो गोजोनैनो न 'खरखौ बारहोबोनो हादों। बिहा सासे बिसि अआरो सानै उन्दै दं सासे फिसाजो आरो सासे फिसाला। बिसिनि मुडा-रुबुसि बसुमतारी। फिसाजोना मैनाथि आरो फिसा हौवाना अनाराम। खाथिरामा सानफ्रोमबो खाथिनि साल बारियाव बन दानहैयो आरो फानहैयो। बिसि राबुसिया न 'आवनो थानानै जौ फानो। फुंनिफ्रायनो मोनाजासिम जौ लोंफैनाय लोंफैनायनि सिमा गैया। फिसाजो फिसालाया गामिनि गुदि फरायसालियाव फरायो बिब 'या थाखो बा आरो फंबाया थाखो थामआव फरायो।

रुबुसिया सानफ्रामबो जौ फानो बेखौ बयबो मिथिखागौ। गुबुनाव मोनाबाबो रुबुसिमोननाव हरनि जिसे बाजि जिनै बाजिबाबो मोनगोन बे रोखा। रुबुसिनि सानफ्रोमबो लोंफैग्रा सहेन बिहा रुबुसिनाव नोंनि जगालिखा। गुबुनफोरा मोनाबानो बेहा मोनखायो।

दा बाथ्राया जाबाय साथिरामा सानफ्रामबो बन लाइयो फिसा सानैया फरायसालियाव थाडो। रुबुसिया जौ फाननानै सहेनजों लाइन सारिबाय

थायो। सहेना रुबुसिनो गाननाय जोमनाय जानाय लोंनाय बायदि सिना बायना होफैनायनि ओंथि गैया।

दुरगा फुजा जानो मोनासि मोनासि रुबुसिया ओंखारलानायनिफ्रायनो दिनैसिम न 'आव सौफै फिनाखै। बै दिननिफ्रायनो सहेनाबो साथिराममोननि न 'आव जौ लोंनो फैयाखै। फिसाय अआरो फिसा सानैखौ गालाना रुबुसिया बहाबा खारलांबाय। मानसिफोरनि खुगानिफ्राय खोनानो मोनदों रुबुसिखौ दाखालि दुरगा फुजा खालि सहेनजों बेग लाना सानजाहानि लामाजोंसो आगान सुरलांदोंमोन। बे बाथ्राखौ लानानैनो सायारामअआ गोबां नागिरदों थेवबो मोनाखै। जानो हागौ बबेबा दाबसे हादाबाव गोदान न 'खर खुंहबाय।

दा मानसिफोरा बुंसोयो। सेंग्रा सिख्लाफोरसो बे बायदि दोनखारला। बे बिनि फिसाय गोनांखायासो सानफ्रामबो दोनखारलायग्रा जाबाय। नंमारगौ दानसनाय बिफांआवसो बांसनि गोरलै बिलाइ खिलिथारो....



सानजा अखोरांनि जारां सान

—लोमसार बर'

थाखो- ब्रैथि फरायसम
टंला कलेज, टंला।

'ईसान नों'

खिलि होजेनदोंमोन नों
बर 'नि बै अखोरांआव
फुंबिलिनि सानगोरलै बादि
रमानटिक सानस्रिनि बिहोमा।
फैदोंमोन नों बे बुहुमाव
साननैसोनि आलासि जाना
गावनि बेसेनगोसा जिउखौ
गालानो हाबाय नों बर 'नि जारिमिनाव।
बिहोमा नोंनि बुंस 'नो हाया
बर 'नि गांनाय उखैनाय
मिथिहोनो हादोंमोन नों
बुहुमनि सुबुं समाजनो
बर 'आबोदि मोनसे गेरेमसा हारि।

ईसान नों बर 'नि फिसा
बर 'नि दुखु सुखुखौ हमदां हाग्रा
फुंबिलिनि सान गोरलैबादि
बर ' इउन जोलैनो होलांबाय नों
रमान्तिक खन्थाइनि बिदै।
जगायजेनबाय नोंनि सुंद 'सल'
बर 'नि गोथां जारिमिना
रोखा दिन्थिदों नोंखौ
बर 'नि निदान सुफुंग्रा होनना।
फुंबिलिनि गाबा बयनोबो गोहो जगायो
गावनि रायजो फिसानि खामानि मावनो
नोंबो होलांबाय बर ' फिसानो
थुनलाइ सोरजिनायनि गोबां गोहो बोलो।



फिसाज्लाया गावनि मोजां मोन्नाय सिख्लानि न'आव हाबानि खौरां लाहैनो सावरायनो थाखाय थांबाय बिनि हिन्जाव जागोनआबो बिराद मोजां नारेंसु गन्थं नायनो मोजां गुफउर गावदां हिन्जावनि गामिया मोनाब बेंगल बिनि बिमाया IPS अफिसार बिसोरहा न'खराव साब्रै बिब' बिनानाव आरो बिमा-बिफआ, जाय दयारामनि फिसाज्लानो हाबा जागोन बियो बिब'मोन बेनि मुडा लाइमोन मसाहारी उनाव रादाय होलांनानै हाबायाबो गाजा गोमजायै जालांबाय। नाथाय बिसोरनि गोसोआव गोजोन्नाय गैया दिनैनि समखौ लानानै बिसोर 6 बोसोर जालायबाय थैवबोनो बिसोरहा गथ' जोनोम होनो हायाखैमोन। मानोना मिथिसारनि बिसिया सांग्रेमा, सांग्रेमा माने बर' समाजआव मोनहोनाय गोसो जानो गावनावबो नांफिनो जेरै

गोजौआव जुमुदै गुजुयोब्ला गावनि मोखाडाव नाडो होन्नाय बाथ्रा फाव बायदि जायो। संसार जानायाव बे बहुमाव रावहाबो समाज नडा गैयि न'खराव फिसा फिसौआ बुरजा जानानै जानाय लौनाय थानाय जानायनि आंखाल बेराफारसेथिं जायहा गोनांखा बिसोरबादिया उनजोलै गैयिनि थाखाय गाबबाय बायनांदों। फंसे रावजोंनो बुंजा फोजोबनो हाया संसारनि जेंना रंजा गोजोन खुसिखौ, बयनिबो न'खराव मोनसे नडा मोनसे जाहोनआ जेब्लायबो थाखाथारो। जायफोरा बिसोरनि जाथायखौ खोना मोन्दों बे सुबुडा ओरैबादि बुंजायमोन "गोदो बिमा-बिफानि मालायखौ सैमाबादि खालामना जाबोनाया दानिया गावनि फिसानि संसाराव गोजोन्नाय गैलिया पाप नांबाय" होन्नानै बुंजायमोन।




सांग्रेमा

—सिनायसाथ बर'

थाखो- द'थि फरायसम

इउ.एन. एकाडेमी, क'क्राझार

आंनि गोरबोफोराव फिलामेन्ट गैया मानोना आं टांस्टेन सोरजिनो हाया, खि आरो दैजों नुसारजानाय फिसा फिसा आंनि सोलेरफोरा जानो हागौ गोजा थैनिबो आंखाल नाथाय आंखाल नडा प्रटिन लुचिपेरिननि। गुबुन जिबफोरादि साननि सोरां लायो फिनजाथाइनि मुडाव आदार जगायो, लुचिपेरिस इनजाइमजों दाजानाय फिनजाथाइ थुनज्लायनाय आंनि गोरबोफोरा बारमण्डलनिफ्राय अक्सिजेन सोबै सोबै आरो सोरजियो "अक्सिजाब फिनजाथाइ।" साननि सोरांखौ नेवसिनानै फिनजाथाइ जायै जायै गुसु सोरां जगायो आं दावबायो आरो सोरां होयो खोमसि हराव मानोना आं गुबुन जिबफोरबायदि नडा।



सिमांनि राइजो

—सोरां कुमार दैमारी

थाखो- ब्रैथि फरायसम

(1)

सिउ सिउ बार बारदों
मिनि खैरो मिनिना नों आंखौ
नाइहरदों;
सेर सेर बिबार बारि
रिंखांदों बाराव बबेबा दाबसेनिफ्राय
सिफुंनि देंखो,
खोलो खोलो बाराव बिरबायदों
आयलि जायलि खानाय फासोरा।

(2)

गोसो गोरोबना जुलिनि रादाय जायो
फुंबिलि समाव हाल एवनो थांब्ला,
लोगोसे थांफायो आंजों
खर'आव ओंखाम थ'फ्ला रुजुन्ना
रायज्लाइलाडो आंगोनि जाना।

(3)

गगेरे ग' दाउज्ला गेसेदो
रोमै रोमै नुहरो जोमैनि आन्दोआव,
आखाय फोलाव हरो नोंखौ मोननो
नाथाइ मोनहा स'आ,
था था आखाइ फाव खालामो
स्रोब गोमोरलाडो
मानोना गासैबो बेफोरो
सिमांसो राइजोमोन। ❖❖❖

संसारआव गोजोन्नाय गैयि

—सान्तना ब्रह्म

बुहुमनि देरसिन जिबि साननो हनो गोरों होन्नानै मानसिया गनायना लाजादों। जिबि जुनार बायदि जानानैल' थानाय गावनि उदैनि गांनाय उखैनायखौ सुफुंनो थाखाय नागिरबायना गोजोन्नाय बादि सुबुडा बे जिबिफोरनिफ्राय गोबां आलादा रोखोमनि, खामानि दामानि मावनो हायो मोजां गाज्जि सान्नो हायो। सुबुंनि बेलायाव आरोबाव मोनसे न'खर दानो थाखाय मोनसे संसार जायखौ बुंदों गासैखौबो लानानै अननाय, मोजां-मोनलायनाय फाराग लायालासे गासैबो गोथार गोसोजों जायखौ जों बिदा-फंबाय, बिबुं बिनानाव आइ आफा फिसा फिसौफोरखौ लानानै संसारनि लैथोआव थानाय जेंना जेंथो एबा जेंसि जेंलाफोरखौ सौसिलांनानै दाबसे गोजोन हायेन नागिरनाय बायदि मेगनाव मोदै खउगायाव खुदै लानानै गोजोन्नायनि लामाखौ मोन्नो थाखाय हास्थायबायो बेनो जाबाय संसार। नाथाय बे मायाथिलि बुहुमाव संसाराव रावहाबो रावजोंबो मिलाय लाया सासेनिया माबा मोनसे आंखालनि थाखाय मेगननि मोदै बोहैनांनय सोरबाया माबा मोनसे मैथिनि जाहोनाव गावनि सान्नाय हनाय बायदियै थांखिनि लामाया जाफुडाबोला गोरोन्थि बुजिनानै संसारनि दुखुनि बिबानखौ रुजुननो बानानै जिउखौ फोजोबसाडो। बेबादियैनो मोनसे

न'खराव गोजोन्नाय गैयि संसारनि बिदै गुमुरआ सोमजिनांगौबा गसायनि अन्नायबो नांगौ होन्नानै सुबुं माहारिया फोथायो। गंसे न'खराव संसार जानायनि सोमोन्दै गोजोन्नाय गैयि थासारिनि मोनसे बिदिन्थिखौ गाहायाव सुंद 'यै बेखेवसारनानै होनाय जाबाय-

गंसे गामियाव मोनसे माहाजोन न'खर दंमोन बे न'खराव जेनिबो आंखाल गैयामोन जायखौ नांगौ बेनि गोनांथिखौ सुफुंनो गोजोन्नायखौ मोननो हादोंमोन बे न'खराव बिमा-बिफा आरो फिसाज्ला गेदेर आरो फिसाजो दुइसिन गासै साब्रै सुबुंजों न'खर गंसे। बिमानि मुडा बिबारि आरो बिफानि मुडा दयाराम, आरो फिसाज्लानि मुडा मिथिसार जाय हिन्जाव सा गथ' जोनोम होनो रोडा बेखौनो सांग्रेमा बुंनय जायो। बेनिखायनो संसाराव गोजोनखौ दसे समनि थाखाय आलोयै थानोब्ला फिसा फिसौनिबो गोनांथि दं। हाजार बिजार लाख थाखा गारनानै गिदिर गिदिर डक्टरफोरजों नायजाबाय थेवबोनो गैया आरोबाव डक्टर जोबथा फिन होबायदि मोन्नायनि खुन जेबो आसा खालामजाया होन्नानै बुंनय उनाव खर' हमनानै सानहाबनो गोनां जाबाय मिथिसारआ गोदो उन्दैआव बेसेबां मिनि खुसि देरबोनानै दिनै गावनि फालायाव संसाराव आगान होनाय लोगो लोगो

संसारनि दुखुथिया मोदैनि बेसेनखौ रुजुन्नानै लानांगौ जाबाय। बेनि उनाव बिनानाव आबो बैसो जाबाय हिन्जावनि फिसा हिन्जाव सम जानायलाय बेनिबो थाखाय बिलायहरनो समआ सफैबाय बेबादियैनो बडाइगावआव थानाय सासे गोनां न'खरनि इन्जिनियार साखि मावनाय सासे सेंग्राया गावनि हाबानि थाखाय जानो गोनां हिन्जावखौ दयारामनि फिसा हिन्जावखौ नायफैनो थाखाय बिसोरनि न'खराव फैबाय आरो बेनि उनाव सानैनि गेजेराव रादायआबो थिग जाबाय आरो अक्ट' दानलायना हाबाया गाजा गोमजायै जालांनय। नाथाय नल'निनि खाफालआवबो सुनि नांनय बिदानि बादि उल्था बिलिया फिसाइनियव जाबाय हौवानिया आथोननि फारसे जेबो उदाययि गैया बेनिखायनो नल'निया संसाराव खाफाल हमनो गोनां जाबाय सानैनावबो बोदैदि बिदि जाखो सानबाबो सानस'हाला बिनि बिमा बिफायाबो आगोर मोना जाबाय। गावनि न'खराव बेफोरबादि जाथाय जानायफोरखौ गुबुन सुबुंनो मिथिजानो गिनानै सिरि सिरि लाखुमाबायदोंमोन न'नि गाहाइया नाथाय मा बुंनो बेसिबां बोसोर गोबावनि उनाव सोरबा सासेया सोंथि खालामोब्ला उपाय गैया बियो लाजिनायखौ गारनानैब्लाबो सानसे खिनथानो गोनां जागोन। दयाराम आरो बिबारिया मालायनि जाथाय गुदि बाथ्राखौबा खोनासंनो मिथिनो लुबैनानै गुदिनिफ्राय बिजौसिम सोंनानै मिथिनो लुबैयो। बेनिखायनो संसाराव गोनां गैयि गासैबो सुबुंनो माइगाव जुजाइ बायदि बासिनो

नाडा। मालायखौ गाज्जि आरो फिसाजोनि मुडा आ नल'नि। उन्दैनिफ्रायनो बिमा-बिफानि आमोलाव गोसोबादि आलो गोजोनै देरबोबाय लावबोबाय। नाथाय बोसोरनि सान्नाया जोबोर आलादा गरसेखौनो गरसे हिसाब लाफिन्नाया नल'नि बिमा-बिफानि हुदामोन। गावसिनि खाथिनि गोरिब न'खरनि सुबुं दडब्लाबो बिसोरो अन्नानै गोसो खुसियै जेबो जिनिखौ होनो थाखाय गोसो दडब्लाबो गावसिनि अआग्लायखोन्दाखौसो होयो आरो बेखौबो बिसोरो बेराद दैयाव थोनाय बायदि मोनो बिसोरनो होस्लाय स्लाय गावसिनि न'आव फिसिनाय सैमा मासेनो गाग्लिनो होनाय। बिसोरनि गेजेराव जेबो उल्था सान्नायआ फैनाय नडा आरो लसबो जानाय नडा। मालायनि दंनय गैयिनि फारसे मोजां मोनो गाज्जि मोनो बेनि जेबो सानालासे बिसोरो गावसोरनि बुंनो लुबैनाय खोथाखौ बुडो आरो मोनसेबो बाथ्राया बिसोरनि मिलौदो बिदै गैया गासिबो खोथा बाथ्राखौनो खेंस्लायै जावनाय आरो हेबनानैल' रायलायनाया बिसोरनि हुदा आरो बुंनो नालिया। सासे आबादारिनि रायज्जलायनाय आरो दयारामनि रायज्जलायनाय गोबां फाराख नुनो मोनगोन। गावसिनि गोसोयाल' खुसिनि बाथ्रा जेब्ला गोसो गैयियाव माबा बाथ्रा सावरायनो लायोब्ला मासे सिहेखौ एदावनाय बायदिसो। समजों लोगोसे मानसिनि बैसोआबो बेनोबे थाया फिसा फिसौफोरखौ बिलायनायनि सम जाबाय। बेबादियैनो बिहामजो लाबोनो थाखाय

दायया मावब्ला साजाबो मोनो

—हिमालय ब्रह्म
थाखो- जिसे

(फुंबिलि सम सभाया न'नि सिला सिबदों फिसाज्ला बन्दा आरो फायलरआ न'आ एदावलायनाय बांसिन बिजाब नायदों बिफायाबो खामानि मावहैनो ओंखारदों।)

सभाया फिसाज्लाफोरखौ सोंहरदों- ये बाबामोन फरायगोनना फरायआखै जाखो? फिसाज्लाया बुंनायसै फरायदों आयै औरै बेरा फारसे स्कुलनि समआबो जाबोबाय सानैबो दुगैसां लोबसां ओंखाम जाना स्कुलआव थांबाय औरै क्लासआव सानैनाबो C/W होदों सासेया खुनुरुखुम हाबाय नाथाय फायलरया हायासै फोरेंगिरिजों हायैनि साजा होजाबाय दाना मोनबाय फुडाव एदावलायनायनि साजा। जेखि जाया 4 Unit Test आ खाथिथारसै गोबांथार सम गैला। औरै बन्दाया बिफाजों फरायबाय फायलरआ हारसिडै न' सिडाव फरायबाय जेब्ला बिमा हाबो अब्ला थाखोमानाय बिमा ओंखारलांब्ला मावजि सादु फुं मोना फरायनाय Time आव खालि Pubg माबा मालाय pubg नि pro जानांगौनो बे बादिनो exam आ जोबना Reasult आ मोनगु लायबाय Reasult आ नायबा नुबाय फंबायना गासै Subject आवनो Letter मारिबाय नाथाय गावहा pro of pubg नालाय मालाय मोन 6 subject आव

मोन 4 आनो फेल जाबाय होमबाबो मालाय गुबुन बादि गिनाय लाजिनाय गैया दुगासो। खालिबोल' बिमानि बुंनायखौ गिना गावनि फेल जानाय फेफारखौ सिलिं सायाव गारखोमाबाय उनाव मोनाखै होन्ना थगायबाय फोरेंगिरिया Signature बिहरब्ला गावनो Gardian जाना हैबाय बे बादिनो समआ बारलांबाय थाबाय गावखौनो थगायना दोनबाय। खाथि खाथि 2nd Semester Exam आबो फैगौ होमबाबो बियो मिथिया क्लास Time आव थांखु जानोसो सोलोंबावबाय हरसान Pubg गेलेबाय मालाय Pubg नि pro जाथारनांगौना खोथाया। बिमा बिफानि ATM card खावना pubg नि Royal pass खालामबाय Exam Time आवबो हराव 1.00 PM सिम pubg फुडाव 7.00AM आव सिखारबाय Exam आव थांबाय गोबां सम बारलांबाय Result नि सम बिफाया Result नायबाय नुबाय फंबाया A ग्रेटआव गावहा फेल गिना सखि सिडाव बिमा बिफानि मेगनआव मोदै गोसोआव दुखु फायलरनि Pubg नि Pro जानायनि सिमाडा जायगायावनो बायबाय दासो बुजिबाय Reaction of pubg खौ गावनि दायखौ बुजि मोन्ना मेगनआव मोदै लाना बिमा बिफानाव निमाहा

जलांनाय रादाय

—सादिन मुसाहारि
थाखो- जिसे

गोरबोखौ बुफ्ले बावदों,
बिखाखौ खायसिब मोनहोदों,
बै समा आंखौ रजे,
जेबोला नों आरो आं
मोनसे बुब्लियावनो जिरायनानै
हा, दै, बार, अर आरो अखांनि
समाय लादोंमोन,
गोसो मोनसे जिउ मोनसे
सानैबो थागोन बुंदोंमोन।
मेगननि मोदैया बोहैगलाबबावदों
रजे, नोंखौ सिमाडाव नुनानै,
अआयलि-जायलि खानाया नोंनि
बिलिरलांदों आंखौ सिमाडाव
नोंनि गोमोरहांलां महरा फोरमायलांदों
नों आरो आंनि
हा आरो अखांनि फाराग।
थेवब्लाबो बावनो हाया रजे
नोंनि,
रैसुमै गारांजों बुंलांनाय
अन्नायनि जिनजिजों खालांनाय
ब्रै नोंनि गोमोरलांनाय
जलांनाय रादायाखौ र'जे। ❖❖

“बिबायारि आं संसाराव”

—बिथराय ब्रह्म
थाखो- जिसे

बिबायारि आं संसाराव
बिबायनायानो आंनि हाबा
थोथोर-बोदोर देहाखौ लानानै
बिबायदों आं नुस' हायै जिउआव।
हरदो आंनो गरनैसो अननानै,
बिबायारि आं संसाराव
फाप्लियाव गांसे जलंगा हरनानै
थास' बिलायनि जिउजों
बिबायदों नुस' हायै राइजोयाव।
बिबायारि आं संसाराव
आखायाव गंसे थ'खन लानानै
दोखो-दोखो मेंग्लिनाय देहाजों
गोजोन सुदेम साया मोननो बिबायदों।
बिबायारि आं संसाराव
सान्दुं-अखा, बारहुंखा-सारअन्थाइ नेवसिना,
बिबायदों आं नुस' हायै राइजोयाव।



“आं बर”

—फुंखा बसुमतारी
थाखो- जिसे

आं बर'
थार सिनायथिखौ होगोन
आं बर' रावजों,
गोदोनायाव आलोयो आर'नाय
जान्जियाव गानो गामसा।
थै, आरो थां
सिनायथि जानाय खालामगोन
आंदि बर'
बर' रावजों लिरो फरायो
बर' बिमायाव सोमजिनाय
आंलाय रावबो नडा
सोमदोन, जोहोलाव
दैमालु जोहोलावबायदि
आंदि सासे बर'।
नाडा नामा बर' राव
बर' बिजों
मानोथो गावखौ दोनखोमायो
बर'आ बर'खा
गुबुना गुबुनखा।
हाबाब!
नुदोंदा दिमाफुरनि नुथाय
इन्जुराव लिरनाय सनानि राव
खोनासंदोंदा बुंनाय राव

थैया आंनि बर'
गाननाय जोमनाय बर'नि
सिमां नुदोंमोन आं,
बे समायना बुहुमाव
बर' रावजों अखां दावबायनायनि
खंख्ला थोब्ले माब्ले बुंथयै
बर'नि राव।
दुखु दाहा हांमा सुरहाब सुरहाब
गाबनांबाय बर' बिमा
बिमानि गाबनाय हांमाखौ
मिनिस्तु खालामगोन
सिनायजानाय खालामगोन
बिबारजों बरायगोन आं
बिमानि राव
आं बर'।
थार सिनायथिखौ दिन्थिगोन
आं बड'लेण्डाव थायो
गानो गामसा
आलायो आर'नाय
आंदि बर'।



आइनि फंसे

—प्रेमानट बसुमतारी

नै जालियाफोर जालियाफोर
मायाजों बुंफबनाय संसाराव
बिमानि गोरबोनिफ्राय जोनोम मोननानै
थास' बिलाइनि दै बायदि
दानदिसेनि जिउखौ लानानै
हायना सारफावनाय सायनासालियाव
बिमानि राव हारिमु धोरुम
गावनि आंगो होनना सानफेरदोंना ?
मा बावलांजोबनोसै ?
जौम्रांआव गाखोनानै
हांखुर गोसोजों उसु खुथु
नैबे सायनासालि गेजेराव
मानि फाव खालामदों ?
राबननि ना रामनि जाखो ?
गोसोआव ला आंनि फंसे
नोंम्राबो दं बिबान फालासे।
जोनोमगिरि बिमा बिफाया
गामसा सुरि दखना सुरि गाननानै
मेगनाव मोदै खउगायाव खुदै जानांदों
न'-बांआ जिलांदों।

हाग्रा दुफबनाय गेग्रेब देराखौ
तासमहलनि महर होनो
नै जालियाफोर नोंसोर सानफेरदों ?
खोमसिजों साग्लोबनाय हरखौ
स्रां खालामनो गोसोजों
आय'! सोर आवगायगोन साथि
फोजोंनो।
नोंसोरनो जालियाफोर जेनिबो
नोंसोरनो सान अखाफोर हाथरखि
सासेजों हाया सानैजों हाया
ज' ज'थै लोगोसे बयबो
बिखानि दावदाबाव अर फोजोंनानै
फै, आवगायबो सिगां फआरसे
आंगो राव हारिमु धोरुमजों
गंसे गोखों गेरेमसा हारि दानि।



हेथा

— हिरेम्ब बसुमतारी

Kokrajhar Govt. College

ओइ निजोरा! निजोरा... 'फैद' कलेजआव थांनोसै। समाबो जाबाय, दा हास्लाबनाय नडा गारिखौ थाब मोनाब्ला। दिनै फोजाखां सारासो क्लास लाग्रोगोन। सारनि क्लासखौ लाहैथारनांगोन दिनै।

माहिनि गाबजि हरनायखौ खोनानानै निजोराया दसे उनाव ओंखारबोयो आखायाव बेक लानानै। न'नि खामानि दामानि मावनानै निजोराया सानफ्रामबो उन जायो। बेखायनो माहिया कलेजाव थांनायनि सिगां गाबजिहरो।

हाजिरा मुजिरा मावनानैब्लाबो खस्थ मस्थ फोरेंबोदें बिमा बिफाया निजोराखौ। निजोरायाबो माब्लाबा सि दानाय माब्लाबा माइ गायनाय माब्लाबा ना गुरनाय बायदि बायदि खामानि मावनानै एफा एनै रां खामायनानै गावनि फरायनायाव बिमा बिफाजों लोगोसे मदद होफायो। खस्थ मस्थयैब्लाबो निजोराया गोजौ फरायसालिखौ सेथि थाखोआव उथिनो हार्दों। दा बियो जौसिन थाखोआव फरायगासिनो दं। देग्लाय जोबथा बोसोरनि आनजादबो लिरगोन।

माहि अआरो निजिराया एखे थाखोआवनो फरायनाय उन्दैनफ्रायनो गेलेलायग्रा लोगो।

बिनिखायनो बिसोरो गावजों गाव सासेया सासेखौ नागारलायनो हाया। कलेजाव थांनायनि फैनायनि जेब्लायबो बिसोरो सानैजों ज' ज'।

माहि आरो निजिरा मोनहा सानैजों गामिनि लांगोनायाव गारि नेहैयो दसे उनाव। बे समावनो गामिनि सासे बैसो गोरा आयजोआबो गारि नेनो फैयो आरो माहिखौ नुनानै ओंखि सोडो। दिंखिया फाजासोमोन आयं होननानै माहिया खिनथायो। आयजोआ खोनानानै थाब फिनफिनो ओरै "माहाजोननि फिसाजोआनो दिंखिया फाजासो जायो आयं हि...हि...." मिनियो। माहिया ओंखि मोनैखाय बेजोंनो जाबोबाय आयं होननानै बुंफिनो। नंगौ माहिमोनहा माहाजोन नाथाय माहिया ओंखि मोनस्लाबैखाय मोनजाबोस्लाबाखै। ओंखिया सबायजों दावजों आरो एम्बु बेदरजों नोरसिंजोंमोन। एम्बु बेदरजों नोरसिंजोंआ मोनबायमोन नाथाय माहिया जाया। बेखायनो दिंखिया फाजाजोंनो जाबोनांदों माहिया।

माहि आरो निजोरामोनहा गारि गाखोयो दसे उनाव आरो थामजि मिनिटसोनि उनावनो कलेजाव मोनहैयो। कलेजाव मोनहैनाय लोगो लोगोनो बिसोरो थाखो ख'थायाव हाबहैनानै जिरायो। दसे

बिबाय खेबसे दाय मावनायखाय बिमा बिफायाबो फिसाखौ अनना निमाहा होबाय। दा फायलरआ मोजां फरायग्रा जाबाय सिगाडाव ब्रेन्देदल' गानग्राया दा मालाय जेखौ मोनो बेखौनो लाना सोलिग्रा जाबाय निसा मुवाखौ गारना फरायनायाव आरोबाव जौगासिनबावबाय दा बियो

उन्दैसिनफोरखौ बुजायो जे "Pubg आ जाहोया लेखानि गियान फरायासो जाहोयो।" सिगां समाव मालायनि सिगाडाव- "हिन्जावखौ गारब्लाबो Pubg आरो थांखुखौ गारा" होनग्रा मानसियानो सोलायना मोजां लामानि आगान सुरबाय बेखौ लाना बिमा बिफाया दा जोबोर खुसि गोजोन।

नेथ 'बाव आंखौ द 'से

— नायथाव बर'

थाखो- ब्रैथि फरायसम
इउ.एन. एकादेमी।

मोनाबिलि समाव सोनाब फारसे
दोबैलानो नायगिरनाय नों जारां सान
थोआखैमोन आंहा हास्थायनाया
सफउंजायाखैमोन आंनि हाबिलाया
नेथ 'बाव नों आंखौ आरोबाव द 'से।

हास्थायनायखौ जाफुंहोनि आं
हारिखौ आरोबाव जौगालांहोनि
थुनलाइखौ जौसिन जांखलायाव
आरोबाव दैखांलानि
फै बयबो लैहोर लैहोर
सिगांबो बयबो खौसेथियै
हारि आरो समाजखौ जों सिबिलांनि।

बावनो नाडा जों गेदेमा
जोहोलाव जोहोलावजोफोरखौ
गारनो नाडा बिसोरनि सानथौफोरखौ
अरायबो सिबिलांनो नाजानांगोन जों
अरायबो फोजोंना लाखिनांगोन जों
गेजेमा जोहोलावफोरनि खाथियाव सावनाय साथिखौ।

आय' नों जारां सान
नों नेथ 'बाव जोंखौ द 'से
सिबिलांनि हारिनि हारिमु-थुनलाइ
जौगालांहोनि जों बर' हारिखौ
अरायबो खौसेथिनि मोनथोरखौ सोरजिलांनि
जै बर' हारिनि जै बर' हारिनि।



सोमखोरनि हांमा

—मिरिना बसुमतारी

बि.ए. द'थि फरायसम

आर'नाइ कलेज, क'क्राझार

थुरिबारि गामिनि सोमखोरा थेब्ला आरो गायथिनि नायल'-जाल' देरफुनाय सासेल' फिसाज्जामोन। बिसोरनि न'खरआ मालायनि माइ आदि फानि मावनाने थेर बेथेर खुनुरुखुम सानसेनि खरादाव बोथिनै ओंखामखौ मोनजायोमोन। बिमा गायथियाबो बुरै जाथारबायमोन बेखायनो न'खरनि हाबा-हुखाफोरखौ मावनो हाया हाया जायो। आरो बिफायाबो बोराय जाथारबाय बारा मावना जानो हायै बायदि बैसोनि जाबाय। बेखायनो बिमाया सम सम गोसोखां गोसोखां फिसाज्जाखौ बुडोमोन-सोमखोर आफा, आं बे बैसोआव बारा मावै दाडै जाहोनो हालाहाय आफा बिहामजोखौनो थाब लाबोदों। नाथाय सोमखोरा न'खरनि हालोदखौ नायनानै बेफोर बायदियाव आगान होनो गोसो गैथ'या। बेखायनो जंखायनाय बायदियै बिमाखौ मिनिना बुडोमोन-र' जागोन दे आयै नॉनि बिहामजो जागोनआ फैगासिनो दं। सिबाय बिमाया जाम्बि जायथि नंगौ सानो। न'खरनि हाल-साला बारा मोजां नडै-खाय सोमखोरा बि.ए. आनजादखौबो फरायजोबनो हायाखिसै। बेखायनो सानसेखालि सानब्लाबो जाथारैनि आरो राहा गोथेजानाय जानानै लोगोफोरजों B.S.F. (Border Security Force) साखिनि थाखाय खारनो थाडो। नाथाय महर मोखाडा नायनो मोजांब्लाबो गाहाय जानायखाय आरो

खारनायाव हादोंब्लाबो फेलें जायो। जोबोद दुखुनि थ'फ्ला बोनथुमना लाना न'आव फैफिनो बिब्दिनो खनसे नडा, खन्नै, खन्थामसो खारहैबाय थायो खनफ्रामबो फेलें जाना फैबाय थायो। फारसेथिं न'खरनि हालोदा मोजां नडै-खाय फरायनायाबो आद्रा जाबाय साखि बाखिबो मोनला। सानै सानै जेरैथिंबो राहा गोथेजानाय बायदि जाजोबबाय। बिब्दिनो बोथोरा हालो-दैलो थाडो बिदिनो सानसेखालि बिमाया गोब्राब लोमजानानै दुब थैनानै थाडो। आरो बिफायाबो थखन लालायनाय जाबाय जेबो मावनो हालिया। बिफा बोरायखौ लानानै सोमखोरा गोथां न'खर खाडो। जेब्लायबो दुखु-दाहाजों सागलोबसारजोबबाय। बिफा आरो गावनि जिउखौ मालायनाव हाजिरा मुजिरा मावबाय बायनानै खष्टयै बारलानो नाजायो। मेगनाव मोदै, बिखायाव दुखु आरो दाहानि थ'फ्ला लाना गावनि जिउनि दिडाखौ रुगुं नुहरस'हायै गोथौ लैथोयाव जावलांनाडो गोदोहां गोदोहां सोमखोरा सम सम गोसोखाडो बिमानि रावखौ-सोमखोर आफा, आं बे बैसोयाव मावै दाडै जाहोनो हाला, बिहामजो लाबोदो आफा। ज़ोम गाबखाडो आरो मोदै ज़ाम ज़ाम ग'यो मेगननिफ्राय। थेवबो गोजोनै जिउ बारलानो नाजायो।



थैनि बाना

—मिरिना बसुमतारी

आर'नाइ कलेज, क'क्राझार

आय'! थैनि बाना बोहैनाय,

बे बुहुम बिखंआ
बेसेबा गिलु बालु
सोरनि थैजों बोहैनाय बाना बेयो ?
मानि थाखाय बोहैनाय थैनि बाना बेयो ?
सानब्लाबो सानस'नो हायासै,
सं दानब्लाबो गुदिखौ मोनस' हायासै,
बुहुम बिखंआव बोहैनाय बै थैनि बानाखौ ।
जाहोना मामोन ?
दायआ सोरनिमोन ?
सा-सान्जा आरो खोला-सोनाब,
जेरैबो-जेरैथिंबो लोमसावलांबाय
रा-रा, रौ-रौ सोदोब होनानै
मोसौ फाप्लिनि गुथाल जाना
बुहुम बिखाखौ समखिखांहोबाय।
हाबाब! मा निदान सौफैखो ?
सोरनि सायाव निदान बेलाय ?
बारहुंखाजों सिम्ब्रेजाना थेर-बेथेर जालांबाय,
सुबुनि गोसो, जिउ-देहा-सोलेर
गासैबो गोमालांजोबनोसै नामा ?
बोहैखारलांजाजोबनोसै नामा ?
थैनि बानाजों !
रायख'सिनि थुंग्रिया मोप्लामदों हनै,
अखा मोप्लामनाय बायदि फ्लाम-प्लिम
गराइया इसारा होदों रिफारिनि देंखो महरै,
गिनानै खारसन-खारब्र' श्रोब हाबसनहैफ्लाडो
सुथुरनि सानानै दोन्नाय फान्जारियाव

खारग' हायाखिसै बे फान्जारिनिफ्राय,
जानांबाय बि बुलिनि मेन्डा।
सोर नुनो ?
सोर मिथिनो ?
हागोन्दा सोरबा गनायनि राहा होनो ?
गैया माथो रावबो उजिखांबोयासै,
बोहैलांनाय थैनि बानाखौ खोथेना दोननो।
बोहैनाय थैखौ सोरबा सं दान्दों ने ?
बोहलांनाय थैनि दैमाखौ
नुबुरदों माथो बर'नि बायदिसो
सोगोमलांनाय सोदोबआबो बर'
जोहोलाव-जोहोलावजोफोरनि हांमा थालांनाय बादिसो।
आय'! थैनि बाना
गिलु बालु बोगथिं-बोगथा बोहैलांनाय
बर'नि थैनि बोहैलांनाय गाथोनआ
बे गाथोना जादोंसै रायख'सिनि गाथोन।
दाजाथोंसै बे रावनिबो गाथोन,
रानलांथोंसै थैनि बोहैनाय दैमाया।
खिलिखांफिनथोंसै सोमखोर गोथां झारआ
थानानै थानो मोनफिनथोंसै,
बर' हारिया बुहुमाव गेरैमसा हारि महरै।
गोदान जिउ,
गोदान गोसो,
गोदान मिजिं लानानै!!! ◆◆◆

बिफाया फिसाजोनि बुंनाय रावखौ खोनानानै लाजिनाडो आरो बुडो नॉनि सोलॉनाय सोलोडै-खौ आं जेबो मिथिला। नॉहा सिगाडाव रादाय खाखानाय सेंग्राजों जुलि जानांसिगौ होननानै ब्लद ओंखारलाडो।

मौजादारा गाव बुंनाय रावखौ हारसिनो सानहैफिननायसै सिरि सिरिनो। हिन्जावनि फिसा बारा फोरोंजाया आरो बारा गोबावबो दोनजाया। थाब हाबा हरमारनायानो गाहाम जासिगोन होन्नानै गोसोयाव थांखि लायो।

माहिया बिफानि बुंनाय रावखौ खोनानानै जोबोद दुखु मोनो आरो आंहा सोलॉनांगौ गोबां दंबावो बे समावनो आं हाबा जानांगौब्ला आंनि

जिउआ इयुनाव माबायदि जाहैगोन होन्नानै बेखौनो सानहाबबाय थायो। नंगौ माहिया सासे गोसो गुदुं जेखौबो सोलॉनो मोजां मोनग्रा सासे सिख्ला। बियो दा हाबा जानांगौब्ला जेरावबो आस 'खान्दा जासिगोन।

मौजादार साहाबा जैरे सानदों एरैनो खामानिखौ मावदों। सिगाडाव रादाय खाखाना दोनखानाय बिजामादै जनो गोनां सेंग्रानो गावनि फिसाजो माहिखौ बिलाय हरो। माहिया गोसो गैयाब्लाबो बिफानि नारसोमनायाव गावनि फरायनाय, दानाय लुनाय सोलॉनाय आरो गावनि लोगो गासैखौ गारनानै इंजिनियार सेंग्राजों जुलि जाहैयो।



उनावनो फोजाथां फोरोंगिरिया थाखो ख'थायाव हाबफैयो। माहि, निजोरा आरो गासैबो लोगोफोरा सिखारनानै गुद मरनिं सार होननानै गसडो।

थाखो ख'थायाव हाबखांनानै फोजाखां फोरोंगिरिया गथफोरखौ जिरायनो थिनो। फारि नं गाबज्रिखांनानै गावनि फोरोंनांगौ आयदायाव नायनानै बुडो "फरायसाफोर दिनै आं फोरोंनांगौ गुबै आयदाखौ लानाय जानाय नडा नाथाय आं नॉसोरनो बे आयदाजों सोमोन्दो थानाय सल' खोनथागोन। नॉसोर गोसो होनानै खोनसंगोन ना खोनासडा जायखि जाया आं खोनथालांनोसै" होननानै खोनथानो हमो।

माहिया गोसो होनानै फोजाखां सारनि खोनथानाय सल'खौ खोनासंनो साखाफारा जायो आरो निजिरायाबो दलरै जिरायनानै थायो जेन' चिनेमा हलाव चिनेमा दिन्थिगासिनो दड।

हादान सेरनि मोनसे गामियाव सानै बिसि फिसाय दंमोन। बिसोरनि मुडा बन्थ' आरो गालिमोन। बिसोरहा असे गथ' गथाय गैयामोन। नाथाय सासे 5 बोसोर बैसोनि खांजानाय उन्दै हिन्जावसा दंमोन। बिसोरहा बोसोरसे माइ गायबानो बोसोरनै जाजाग्रा हादान सेराव दखरसे माय गायग्रा हा दंमोन। जायनि गेजेरजोंनो बिसोरहा गावसोरनि जिउखौ फोथांनानै लाखिनो गोनां जायो। नाथाय आबाद दैखांनांगौआ गोरलै नडामोन। माइ गायखांनानै खार्तिक दान सौफैब्लाथाय आघुन दान जोबखांजासे मैदेरनि उफुदुखआनो थानो हायै बादि जायो। मोनाबिलि

जाबाथाय हाग्राबारिनिफ्राय ज'ज' मैदेरनि फालोफोरा आबादथिलि फारसे ओंखारबोयो।

बन्थ'आ बोसोरफ्रामबो खार्तिक दान हाबबाथाय आबादथिलियाव बादा लुनानै माइ नेहैयो। बियो सोरां बारां ओंखाम जानानै बादायाव थाहैयोमोन लोकोआव दं बेहा लेम गंसे, टर्च गंसे, रुवा गंसे आरो खेरसिन द्राम गंसे। मैदेर फालो फैबाथाय बन्थ'आ खेरसिन द्रामखौ जोबोद गोबारै गोबारै दामनानै होयो। जायखौ खोनाबाबो मैदेर फालोआ दस्राथिं एरायलांथारोमोन।

सानसेखालि गालिया फिसायनाव दखना बायनो फैसा हर आंनो होननानै बियो नाथाय फिसाया बिनो फैसाखौ हरा आं बायनानै लाबोगोन उनाव र' नोडो दाम दर खालामनो रोडा होननानै बुडो। जायनि थाखाय गालिया फिसायजों फैसाखौबो दोननो होजायामोन। अखानाययै बन्थ'आ बादानिफ्राय फैनानै हाथायाव थाडो आरो खुन्दुं बायनानै लाबोयो। बिसि गालिया खुन्दुं लाबोनायखौ नुनानै सिरि सिरि गोसोजों जोबोर रागा जोडो मोथो मोथोनो नाथाय सायाव रागाखौ जाखांहोनो हायासै बियो। मानोना बन्थ'आ जोंबाथाय जोंबायसै। थेवबो गालिया फिसायखौ गिलुं गिलुडै बुंनायसै "गामाखालि दख'नाखौनो बायनानै लाबोयोमोन दिनैलाय मानोथो लाबोफेरा लाबोफेरा खुन्दुंखौसो बायनानै लाबोखो नों बिफा होननानै।" बन्थ'आ मिथिगौ बिसिया जि दानो रोडा। नाथाय बिनो जिफोरखौ गोदान गोदान नागिरो। एसे जामब्लानो गोदान नांसिगौ होननानै

गानालासिनो दोनो। बिनिखायनो बियो बिसिखौ सिखायनो थाखाय खुन्दुंखौनो बायनानै लाबोखादों। अब्लाबो बन्थ'आ बुंफ्लानायसै "थांनाय सप्ताहनि हाथायाव फाननाय जिफोरा मानसिफोरनाव सिथर, गाराय, मानलु मानला जाजोबथारदोंनो बिनिखायनो दिनैनि हाथायाव फाननायफोराबो मोजां जानाय नडा होननानै मानसिफोरा बुंनायखाय दख'नाखौ लाबोआलासिनो खुन्दुंखौनो लाबोदों आं" होन्नानै बुडो।

गालिया फिसायखौ मा बुंगोन मा मागोन जानानै दे बिफा बिदिबालाय सान्थामसो उनाव सौंनानै दानोसां होननानै बुडो। दसे उनाव बन्थ'आ जि गानस्लायनानै बारियाव हाग्रा एसे दुनायखौ एवझांहेयो। गालियाबो मैथा बांगालजों फाजा एवजानो खनना दोननाय साम' लादायखौ एरखबाय थायो।

गालिया साम' लादाय एरखबाय थानाय समाव दुखुजों माबा माबि सानबाय थाबायो। बे लाबोखानाय खुन्दुंखौ माबोरै गारहरनो हागोन बेनि फारसेल' हांखुर बेनि गोसोआ। सानै सानै थिख बे समावनो गोसोआव मोनसे सोलो सोमजिखाडो। गाव एरख'नाय साम' लादाय बिखंखौ सान्दुंआव फोरानदबना माला सुनो आरो बेखौ गाननानै मोनायाव फिसाया बादायाव थाहैबा खिंखिं खिंखिं सोगाबना सिगिनानै खुन्दुं बिहैनो साननायसै। जेरै साननाय एरै खामानिखौ मावनो हमो गालिया।

बन्थ'आ जाखां लोंखां बादायाव थाडो। फिसाय थांखांनायनि थाम घन्टासो उनावनो फिसाय थाग्रा बादायाव थाडो सिरि सिरि गालियाबो। जेब्ला बादायाव मोनहैयो अब्ला बादा सेर सेर थानाय हाग्रायाव थाखोमानानै साम' लादायनि मालाखौ खिंखिं खिंखिं सोमावना सुथा देव सुथा देव, सुथा नादिले थुमार आफिथा देव बुडो। बन्थ'आ मा होनफैखोब्ला साननानै टर्च सुनानै नायहरो। नाथाय जेबो नुनो मोना आरोबाव खिंखिं खिंखिं सुथा देव सुथा देव, सुथा नादिले थुमार आफिथा देव होननानै खेबनैसो बुंबावो। अखानायै बन्थ'आ बिसिनो खोनथा फैयो "माबा खुन्दुं बिलाय हिन्जाव बिलाय बिफैदोंलै बुरै बादायाव दिनै मोनायाव" होन्नानै। बिसिया बे समाव बुंफ्लाहरनायसै एरै "आद्रि आद्रि बहुतना सिखाव जाखोसैमोनसि बेलाय मालाय माइ नेहैनायखौ बिदि बुंफैलायनाय।" अब्ला बोराया दा मोनायाव खेबसे खोनासंबावगोन आं सिगिफैबावोना मायो होननानै बुडो। बिदिनो जाखां लोंखां बिलिफां समाव बादा नेनो थाडो बन्थ'आ। मोनानि जिसे रिंगासो समाव थांखांनाय हरनि बायदि बिसियानो सिगिहैबावो। अखा नायै जेबो जाथारैनि बन्थ'आ जाला जाला बिमा खुन्दुंखौनो हैथारनांसिगोन आं नोंखौबोथ' हरनो हानाय नडा होन्नानै बुडो। जेरै साननाय एरै सिगां समनि बादि जाखां लोंखां जेब्ला मोनाबिलि समाव बादायाव थांनो ओंखारो अब्ला खुन्दुं थ'फ्लाखौ लाना थांफायो। खुन्दुं लांनायखौ नुनानै बिसिया

गोसो सिडाव जोबोर रंजाखांनाय मोन्दोंमोन। बिब्दिनो गालिया गाव दोनखोमाना दोननाय साम' लादायनि बिखंजों सुनाय मालाखौ लानानै थाडो फिसाय थानाय बादायाव अब्ला मोनानि जिनै रिंगासो जाबायमोन। हाग्रा सेरा थाखोमानानै थांखांनाय हरफोरनिबादिनो खिंखिं खिंखिं सोगाबनानै सुथा देव सुथा देव, सुथा नादिले थुमार आफिथा देव होनहैबावो खेबनै खेबथामसो। बे समावनो बन्थ'आ खुन्दुं थ'फ्लाखौ ज्राब गारहरनायसै आरो बुंहरनायसै "नै बैरागि मायाबि आं नोंनो खुन्दुंखौनो हरबाय बेखौनो गोसो खुसियै लानानै थांदो आरो आंखौ दिनैनिफ्राय दासिगिसै आंहा जेबो गैथारा गोरिबथार। अब्ला गालिया सिरि सिरि थांखोमाना खुन्दुंखौ हानहरनानै लाना थाडो आरो दैमायाव ज्राव गारहैखोमायो। गारहैखांनो खुसिजों खेबनैसो बाज्ल'खाडो गालिया आरो बुडो जामबा बोराय नोंलाय आंनि सोलोखौ मा मिथिनोलै हि.....हि....।

अखानायै न'आव फैनानै बन्थ'आ बिसिनो खिन्थाफैनायसै खुन्दुंखौ हरबाय होननानै। अब्लाबो जाम्बा बन्थ'आ हमनो हायाखै बिसिनि फाव फेसन आरो रायज्जलायनायफोरखौ। गावनि बिसियानो जे जि दानो रोडैखाय बायना होफैनाय खुन्दुंखौ माबोरैहाय गारहरनो हागोन आरो गाव जि दानांनायनिफ्राय माबोरै बारग'नो हागोन बेखौ साननानैनो बेफोर खामानिखौ मावदों बेखौ मिथियाखै मोन होननानै फोरोंगिरिया फरायसाफोरनो खोनथायो।

फोजाखां फोरोंगिरिया दसे उनाव फरायसाफोरखौ बुंनायसै नोंसोर बिदि दाजा दे जारौमोन नडाब्ला हारिनि दानायलुनायनि खान्थिया गोमालांगोन होनखांनो दिनै दोनथ'नोसै होन्नानै थाखो ख'थानिफ्राय ब्लद ओंखारलाडो।

फोरोंगिरिनि बुंनाय रावाव माहिनि गोसोयाव गो हाबनानै थायो आरो जि दानो सोलोंनो थाखाय जोबोर हांखुर जायो। बियो मिथिखौ गावनि लोगो निजोराया मावनाय-दांनाय, दानाय-लुनाय जेरावबो आखा फाखाथार। बिनिखायनो बियो गावनि लोगोजोंनो दानाय-लुनाय सोलोंनो थांखि लायो।

माहिनि बिफाया सासे मौजादार। माहिया माबा मोनसे खामानि मावनांगौब्ला बहाबा थांनांगौब्ला बिफा मौजादारनाव खेबसे सोंग्रोयो। बिनिखायनो बियो निजिराजों जि दानाय सोलोंनो नागिरनायखौबो सानसेखालि बिफानाव खेबसे सोंनायग्रोयो। बिफाया खोनानानै बुडो सोलोंनाया गाज्जि नडा नाथाय निखावरिनि फिसाजोजों सोलोंनायखौ मानसिफोरा मिथियोब्ला मा सानगोन फिसा आंखौ। माहाजोननि फिसायानो गलामनि फिसाजों सोलोंदों बुंगोनना अब्ला आं मानसिफोरनि सिगाडाव माबोरै मोखां देखायनो हानो बिनिखायनो निजिराजों नुसारजानाय खामानिफोरखौ दासोलों होननानै बुंनायसै। बिफानि रावफोरखौ खोनानानै माहिया गोसोखौ हमथानो हायैलाय सोलोंनायाव धोनि गोरिबनि, गेदेर उन्दैनै फाराग थाया होननानै बुंगारनायसै।

“आस’ खान्दा सिमां”

—समायना बसुमतारी
थाखो-नैथि फरायसम
आरिमुआरि जालिया बोसोर

स’नाया दिनै मानोबा जिउ थानानैबो जिउ गैयै बादि जाना दं। खाफालाव आखाय होना गोबां बायदि बायदि उल्थां-फाल्थां सानबाय थादों। मेगना बुलब बुलब, लोरबां देहा।

बनगाव गामिनि हाल-साला थारैनो जोबोर उलुं-गुजुं। सानफ्रोमबोजौ-जुवा, बुलाय-सोलायजों सोलिबाय थानाय, फारफ्रोम बिथिडावनो दावगानाय नडा। बेखौ नुनानै स’नानि गोरबोआव दुखुजों बुसोमजादोंमोन आरो बियो सानदोंमोन थारैनो जौनि गामिनि बेफोरबादि गाज्जि हालोदखौ बोझांनो थाखाय रावबो आवगाया, बेफोर जेंनाखौ आंनो बोझांथारगोन होन्ना। मोजाडै-मोजां फरायनानै जौनि गामियाव गोजों अलंबारखौ आं सानसे नाजानायनि गेजेरजों लाबोथारगोन होन्ना स’नाया थिरांथा लानायसै। स’नाया 12 बोसोरनि हिन्जावसा गथ’ थेवबो बिनि साननाया गंसे गुवार बुहुमबादि गुवारमोन। उन्दै समनिफ्रायनो गोथौ सानसि गोनां हिन्जावसा। न’खराव बांद्राय गोनां नडा, थेवबो जानाय लौनायाव जेबो असुबिदा गैया। बिमा बिफाया स’नाखौ जोबोर खस्थयै फोरोंदोंमोन। गावसोरनि बिखानि थैखौ दै खालामनानैब्लाबो आरो माब्लाबा गुबुन्नाव आखाय फुवारनाब्लाबो गावसोरनि फिसाजो स’नानि नांगौ जानायखौ सुफुना होबोदोंमोन। स’नाया जेब्ला मेथ्रिक आनजादखौ 1st Division लाना उथ्रिनो हादोंमोन। अब्ला बयनिबो गोसोआव

रंजाखांदोंमोन। स’नानि 1st Division लाना उथ्रिनो हानायनि थाखाय गामियाव मोनसे गेदेर मेल खुंनयसै आरो स’नाखौ माखासे बिबुंथि लानो थाखाय खावलायबाय। स’नायाबो गोसो गुदुडै बिबुंथि होलांनो लाबाय-

स’ना:- मानगोनां जौनि गामिनियो रायजो राजा नोंथांमोन, थारैनो दिनैनि बे साना आंनि थाखाय जोबोर मेहेर गोनां सान। आं दिनै जोबोर खुसि, मानो होनोब्ला दिनैदि आं नोंसोरनि मोखाडाव मिनिस्तुनाय नुनो मोनदों। आंनि आय-आफाया आंखौ गावसोरनि बिखानि थैखौ दै खालामनाब्लाबो आंखौ फोरोंदों आरो नोंथांमोनहाबो आंखौ हेफाजाब होबोदों बेनि थाखाय आं बयनिसिमबो गोजोन्नाय जासिहरनाय जाबाय आरो आं सानसे बे गामिखौ गोजौआव दैखांथारगोन होन्ना गामिनि सुबुंफोरनि सिगाडाव रादाय खाबाय।

बेबादिनो बोथोरा थाडो खोन्दो खोन्दो स’नाया क’क्राझार सरकारि फरायसालिमायाव फरायहैबाय। बिदिनो स’नानि फरायनाया मोजाडै-नो मोजां सोलिलांबायथादोंमोन। नाथाय नै बोसोरनि उनाव स’नायाबो मोजां मोनलायनायनि रोसिखौ बोरैबा मोनलोंफलांबाय। बिदिनो नै सप्ताहसो मोजां मोनलायनायनि उनाव हौवाया हाबा लानो थाखाय लिंबाय।



जिउनि सिमां

—निजिरा मुसाहारि
थाखो- नैथि आरिमुआरि जालिया बोसोर।

मोनसे समाव, खुमरा गामियाव सासे रामोन्दा मुंनि आबादारि दंमोन, बिहा बिसि सासे दंमोन, बिसिनि मुडा गोमसि, बिनिनो गोरबोआव सासे फिसा हिन्जाव जोनोम मोनो। फिसा हिन्जावनि मोखां नुस्लाबैयावनो बिमा गोमसिया जिउ सायाखौ नागरानानै सोरगो जानानै थाडो, बिफा रामोन्दाया। फिसा-हिन्जावखौ गोबाखब गोबाखब गाबो। मोदै रथ’ रथ’ लानानै नाथाय इसोरनि लिरना हरखानाय सोर मा खालामनो हानो गोमसिनि रुंसारि जालांनयखौ। बिसि थैखांनयनि उन उनावनो गामिनि मानसिफोरा रामोन्दानो गामिनियो सासे आदुंगारि सिख्ला राखावसिजों हाबा (जुलि) होयो, फिसाजोखौ खांनो बनो थाखाय। रामोन्दा आरो गामिनि मानसिफोरो फिसाजोनि मुंखौ गोजोनसि दोनो, अन्नानै गोजोनल’ गाबजियो।

बुहुमनि सम गिदिंखन्नायाव, गोजोनसिया, देलें-देलें, ददरे, रे, अन्थाव बाथआव, जाहांबाय, राखावसिनि गोरबोआबो सासे फिसा हौवा जोनोम मोनबाय, बिनि मुडानो जादों, सोमदोन,। गोजोनसिहा मोनसे सिमां दंमोन बिहा लेखा फरायनानै गावनि आथिडाव गसंथाना बिमा-बिफानि बयनिबो मुं लाखिनाय, नाथाय दुखुनांथाव बिखौ उन्दैनिफ्रायनो फरायसालियाव बिमा

राखावसिया थांहोआखै। बियो गावनि फिसाज्जलाखौल’ फोरोंनायाव मुखुब। (राखावसिआ गामिनि मेट्रिक आन्जाद उथ्रिना थानाय सिख्लामोन। बिनिखायनो बियो गावनि फिसाज्जलाखौ न’आवनो फोरोडोमोन।)

जेब्ला राखावसिआ फिसा सोमदोनखौल’ न’ख’थायाव फोरोडो अब्ला गोजोनसिया फारसे न’ख’थानि सिडाव खामानि मावनायजोंनो लोगोसेयैनो राखावसिनि फोरोंनायखौ गाव हा-सो गो-लायोमोन।

बिमाया बहाबा आलासि जानो थांबा गोजोनसिया फंबायनि बिजाबखौ सि-सियै फरायखुमायोमोन। नाथाय बिमा बाथुल राखावसिया खामानि मावालासिनो जिराइनाय एबा लेखा फरायनाय नुयोबा सियारनिफ्रायनो जोख्लायो, नाख्लायो, खानाय सावना होयो, बेसेदि दुखुनांथाव गोजोनसिनि जिउआ।

थेवबोदि बियो गावनि सिमांखौ नेवसिया दुखुनि मोदैखौ आखाइयावनो बजबनानै बिमानि थुप्ले थुप्लेजाबाय थाआयो। बिफा रामोन्दायाबो जाम्बा-जाम्था, गामिनि हालुवा जेबो बुंनो हाया, फिसाजोखौ अन्नायल’ होनायनि अनगायै।

गोजोनसिया जेरै- गोजोन मुं बिदिनो

आखलफोराबो गुन गोनां बाख्नायथावमोन, सानसेखालि गामिनि माष्टार बाबुआ बेनि गियान आखु, फरायखुमानाय नुनानै मोदयै बिनो मेट्रिक आनजादआव मुं लगायहोनानै आनजाद होहोयो, आरो बे आनजादाव गोजोनस्रिया सेथिआव उश्रियो आरो सोमदोनआ आनजादाव थालाडो।

गोजोनस्रि, माष्टार बाबु आरो बिफाजों लोगोसे गामिनि मानसिफोरा रंजाखाडो, नाथाय राखावस्रिया रागा दिव दिव जौनानै गोजोनस्रिनि

खर'आव दै गुदुं लुना मोदोमखौनो बेदलाबहोजोबो, आरो न'निफ्राय होखारहरो, बिफा रामोन्दाया बिसिनि बिदि आखलाव बिसिखौ फंसे सोबानानै, फिसाखौ हानिफ्राय बोखानानै “ थौदो-फिसा जों बे राइखसिजों आर थाया, आं सहायनो हालिया, बे समावनो सोमदोनाबो आफा आंबो नोंसोरजोंनो थांफागोन होन्नानै ओंखारफायो। दिनै राखावस्रिया हारसिं जानाडो।



(सुंद'सल')

फैमालनि साया

—अमिसा ब्रह्म
नैथि फरायसम

सिमब्रायगुरि बुंनाय गंसे गामि दंमोन। बे गामियाव न'खरसे गोरिब न'खर दंमोन। बे न'खरनि गाहाया सोमब्ला। बियो बोराय सुबुं। बिहा फिसाज्ला सासे दंमोन। फिसाज्लानि मुडा लोमसाव आरो बिन बिसिया सासे गोनां न'खरनि। बिसोर 3 बोसोर जाबाय फिसा मोनैया। बेनिखायनो फिसौनि महर नुयैनि थाखाय सोमब्लाया जोबोर दुखु। मानोना गावनि फिसाज्ला लोमसावखौ बियो फरायनांगौ बायदि फोरोंनो हायाखै। बियो सानो फिसौ मोनोब्ला फोरोंनो आरो बर' हारिनि सासे हारि सिबिग्रा, हादर सिबिग्रा आरो फारफ्रोमबो बिथिं फारसे गियान गोनां खालामनो।

बेबादिनो सम आरो बोथोरजों लोगोसे सोमब्लानि न'खरा सोलिबोगासिनो। बेबादिनो सासे बेलासे लोमसावआ सासे फिसा हौवानि बिफा आरो सासे फिसा हिन्जावनि बिफा जाबाय खेनसेयैनो जोनोम जाफैबाय। बेबादिनो बि फिसाफोर सानैखौ नोजोर होयै होयै फोरोंबाय। फिसा हिन्जावआ फिसा हौवानिफ्राय आन्जादफोराव मोजांसिन, मोजां जौखोन्दो गोनां उश्रिसारो, नाथाय फिसाज्लाया थि मोननांगौ नामबारल' मोननानै उश्रिसारो।

बेबादिनो देरनायनिफ्राय देरबाय फिसाफ्रा। बिबौ सोमब्लाया गोब्राब लोमजानानै जिउ गोमालांबाय।

बिबौआ फिसौफोराव थैनोसै समाव नुलांबाय खाथियाव लानानै खोनासं फिसौ सानै- आं बोरायबाय, थैनायनि समआबो सौफैखाबाय, नोजोर सानसे बर' हारिनि थाखाय मोजां खामानि मावलां, आं मिजिं दं नोजोर सानसे मोजां सोल्लोथाइ लानानै हादरनि दावराव दावसिखौ फोजोबगोन आरो हारिनि गेजेराव मोजां अनज्जायनाय गोरोबलायनाय। बोगोन बेनो आंनि थैनोसै समनि लुबैनाय मिजिंआ। नाथाय फिसौजोआ खोमा होना खोनासंदों, फिसौज्लाया जेबोखौनो खोमा होना खोनासडाखै।

बेबादिनो बिबौनि खोथाखौ गोसोआव लानानै मोजां खामानियाव आगान होबाय लोमसावनि फिसाजोआ। बियो जेराव थुनलाइनि, हारिनि थाखाय सावरायो बेवनो बाहागो लायो। नाथाइ फिसाज्लाया जेराव निसानि जायगा जाय जायगाया जिउनि ख'हा आरो आबुथि गैयि फारफ्रोमबोनि थाखाय बेवसो आगान होबाय। फिसाजोया सानो हारिखौ जौगाहोनो नाथाय फिसाज्लाया फोजोबस्रांनो। बेबादिनो लोमसावनि फिसाजोया सानसे समाव मटर एक्सिदेनजों जिउ गोमाबाय आरो बिन हारि सिबिनो माहारि फोसाबनायनि मिजिंआ गोमोरलांबाय। फिसाज्लाया दुथां आखु जाबाय। बिबौनि आसाया फैमाल जाबाय।



“सुजुफिनगोन गोदानै थालांनाय नोंसोरनि गोथार लु”

—थुलुंगा मुछहारी

थाखो- बि.ए. द'थि फरायसम

अर'नाइ कलेज, क'क्राझार।

नैबे जायगाया थैजों लोमलानाय
गंसे सिथ्ला।
नैबे लुआ बर'नि आखाइजों
गोथार बारफा बारफा
बिबारजों लुनाय जाफुडै
दोंसे गोथार लु।
जाय लुनि गाबआ
गोमो, गोथां, गोजा, गुफुर.....
जेराव नांलाना दं बर' फिसाफोरनि
सोरनिबा थैसाम, सोरनिबा मोदै
आरो सोरनिबा जिउमा....।
बे सिथ्लायानो गेलेदोंमोन गोदो
आदा सुम्बधन, दैमालु, देतसुं, बासिराम....
आरो गेलेदोंमोन आब' थैफाखि, गाम्बारि,
गायदे, बिरगोप्तिमोनहा....
बिसोर गेलेदोंमोन सोरबा
उदखारिनि खाम्ब्रें थुंग्रिनि हेंथायै
दासिमबो दं नैबे सिथ्लायानो
बिसोरनि बोहैग्लाबनाय थैसामा।
नोंसोरनो होदों थुलुंगा
सुजुनो नैबे गोथार लुखौ....
बे लुआ गोथारैनो राक्षसि,
जेराव रोजा रोजा बर'
जोहोलाव जोहोलावजोफोरनि
बिखानि थै लोंलांबाय।
हाबाब!
थैनोसै समाव बुंलांनाय बड'फानि राव
“आं थैनायाव आंहा दुखु गैया,

नाथाय आं थैनायजों लोगोसे
आंनि थांखिया थैफालाडोब्लासो
आंनि दुखुवा जोबनाय नडा।”
जाउरिखाडो जोहोलाव दाबोनो गोरबोआव
नोंनि रैसुमै गारांजों बुंलांनाय
नैबे थुलुंगाखानाय रावफोरा...।
जाखांफैयो दाबोनो गोथार
गुरुदेवनि बुंलांनाय बोसोनफोरा...।
आरोबाव नै....
“आं जोबथेसालियाव थानाय समावनो
बड'लेण्ड दाफुंजागोन।”
सोर बिलाइ ?
हाबाब जोहोलाव!
नोंथानि बे राफोद रावफोराव
जोंनि बिखानि थैया गोदौग्लाबो
जोंनि मोदोमनि खोमोना गसंखाडो।
नै बर'नि जोहोलाव जोहोलावजोफोर
नोंसोरखौ सिबिनो जोंहा जेबो गैया
दड' नाथाय नोंसोरनि सुजुलांनो हायै
आद्रा बिबारनि लुखौ
आबुडै सुजुलांनायनि हाबिला।
नाजागोन जों गेदेमाफोर
नोंसोरनि बिखानि थैखौ
गोरबोआव दहाय लानानै
सुजुफिननो नोंसोरनि आद्रा
थालांनाय दोंसे
गोथार लु...। ❖❖

“गोदोनखौ हास्थायनानै”

—नायथाव बर'

थाखो- ब्रैथि फरायसम

हे! हारिनि जोहोलाव जोहोलावजोफोर
गैयामोन नोंसोरहा सोरखौबा गाज्जि सान्नाय
नडामोन नोंसोर सोरनिबा अगेन सुथुर
नाथाय बबे समनि फाखनाव बुसोमजानानै
खोमाना लानांखो नोंसोर अरायबोनि थाखाय
नोंसोरनि बेसेन गोसा जिउखौ।

दड'मोनखोमा नोंसोरहाबो गावबा गावनि सिमां
सोनोमगिरि बिमा-बिफाखौ सिबिलांनायनि हाबिला
मिजिं आरो हास्थायनाया नोंसोरनि अरायबो
गोमानानै थाडाखै बावाखै नोंसोरखौ सिबिनो
आय' जोहोलाव जोहोलावजोफोर।

हारिखौ फोथानो हारिखौ रैखा खालामनो
अराय गोजोन हास्थायनानै
हारिखौ दावगालांहोनो नोंसोरनि लुबैनाया
बुखारजायाखै बबेबा बारहुंखाजों
बोहैखारलाडाखै बबेबा दैन फेफोनाजों।

लाखिगोन जों फोथानो अराय
हारियाव खौसेथि जानानै
जाया जों एना एनि
नाडा जोंनो नांलाय खमलाय
बोजबगोन अरायबो गोजोनखौ सोरजिगोन जों
अरायबो खौसेथिनि मोन्थोरजों।

❖❖❖

हास्थायसुला गोसो

—सुजुथाय बर'
ब्रैथि फरायसम
उदालगुरि जॉमा फरायसालि

लाजि गुसु सानसोरां
नोंनि मिनिस्तु मिनिनाया
आंखौ नुबोला मिनिनोखौ
नोंलाय सना! बोरै रोडा ?
रंजालु गाबजों आंदि
गावखौनो बावगारलांबाय ।
नोंनि अनजालि आखायनि
गोखै फिथाया-
आंनि सालाइआव बेरे मोदै
बेसे दैहाबलांनाय,
बिखा गोरबो गोजानग्लाय,
नोंनि हायनारि मेहेरनायाव
आंनि गोरबो मेगनाव
मुलुगआ आनलेद जाबाय
नोंनि अननाया-
आंनि गोरबोआव थ'फिबाय
सानथ्र'हायै फामि बिबार ।
थुलुनसि गुदियाव आलारि लानानै
खर' गंग्लाय जानानै
मानि थाखाय आर'ज गाबदोंनो
नंगौ नामा ग'साइनाव
आंनि थाखाय-शान्ति बिनाय ?
उदां बोथोराव दाव खोवौआ गाबफैबा
मानिबा रादाब हरबाय
बिनिनो थिननायाव-
आंनि गोरबोआ नोंखौनो हांखायहरबाय । ❖❖

मिजिं

—फबन दैमारी

नों आरो आं जेराव जों थायो
बुहुम बिखाया साहारा बालाहामा
सोरजिजेन जिउमाया गाजेनब्लानो
दुंहाब हां ।
नांगौखौ मोनैनि दिखाराव
माब्लाबा गाबनाय मिनिनाय,
थै, देहाजों जुजिनो गोनां
थेवबो बियाव थायो फिथाइ ।
हास्थायनाय लुबैनाया
माब्लाबा सुबुंनि जिउआव
दुखु खैफोद आफोद,
माब्लाबा देरहानाय-जेन्नाया
थेवबो दा बाबेन गावनि मिजिंनिफ्राय ।
जाफुडो थांखिनाय सिमां
गावनि नाजानायाव
नेनानै था, फैगोन
गावनि आगान दा फावसायल' ।
देरहासारोब्ला बयनिबो खुगायाव
ओंखारगोन बाख्नायनायनि अमब्रिद बिदै ।
खामानि मावनो थाखै
ओंखारबोल'
जाफुंसारगोन मिजिं गासैबो । ❖❖

'जोबथेनो हायासै'

—जेक्सन नारजारी

थाखो- बि.ए. द'थि फरायसम
आर'नाइ कलेज, क'क्राइर ।

नों हां थोनो मोननानैसो सौब्लादोंमोन
आंगोफोरनो हां लाहोनो जायगा बह'ननो होनना,
गावनि न'आवनो देहाया रान्थाबलांनाडोब्ला
सोरनिबा सोफै सोफैआव
आरो बेनि थाखायनो
रान्थाबनाय देहानि खस्थआव
सोरखौबा नाख्रांनाडोब्ला खुसेरनो गोनां जायोब्ला
आरो बेनो दाय जायोब्ला
आंबो सानबायसो
बे दायखौ आंबो खालामगोन
गावनि न'आव
गावनि थाखाइ
गावनि आंगोनि थाखाय ।
ह' आदा
नोंनि आथिंखौ जोबथेनो बावप्लांबाय बिसोर
नैबे हादाबआव
नोंनि आफा थालाखौ होथेनो साननोनो रोडासै
(हानायबो नडा)
आरो बेनिखाइनो
नोंनि फंभाइमोनजों- नों दाबो गसंन दं
नोंनि बिनानावमोनजों-एखे न'आवनो जिरायना दं
आरो नोंनि दावहारु-लोगोफोरा,
नैबे हाखौनो मोदोमनानै नोंजों रायलायनो हायो दाबो
बे हाजोंनो नों खोन्थाहर
आबैनिफ्राय मोनबोनाय

आइनिफ्राय मोननाय
नैबे एखे हादाबावनो
ज'रायजो जोनोम मोननायनि साबसिन लामा ।
नोंखौ लहाजों होथेनाया
गावनि बारिआवनो सेजानाय आबादखौ
नों आदर खालामनो होनना
लावथि दिखानायखौनो
नोंखौ दावबायदि ख्लोब जोख्लोबनायखौ
आं सहायनो हायाखै आदा
आं मोदैखौ हमथानो हायाखै
आंनि बिखायाव खुद्रिनाया
रोहो रोहो जोंखानाय दाहाया
नोंखौ गोबानानैनो थागोन आदा
नों माब्लाबाबो हारसिं नडा ।
बेसेदि अनसुला बिखानि नेरसोनमोन नोंनि ।
नों जोंखौ अननानै हाग्रायाव बारसोमनाया
जिउ बावनानै
दंनय बोलोखौ बाहायाना
गावनि आंगोनि थाखाय गाबखानाया
नों बयखौबो सिरिमोनहोथारबाय आदा
जों दा उन्दुना गैला
जों दा उन्दुना गैला । ❖❖

लोगो

—सिनायसाद बर'
द'थि फरायसम

फुंबिलिनि रैदुब रैदुब
मिहियै बिलिरफैनाय सिदोब सिदोब
दावगां बायदि गुरै बार,
बराय बराय लाबोयो
सानजा फैसालियाव जारां सान
जारां साननि खिलिबोजेननाय
गुरै सोरांनि रोदाफोर
सिरिमोनजेननाय आंनि सोलेर मोनसेखौ
सांग्रां खालामो आंनि देहाखौ।
जानांगौ बियो आंखौ खावलायो,
जिउ मिजिं होसो होसो
नों गोहो जगायनो थाखाय
नोंनि सानसेनि समफोरा जागायबाय
उन्दुना थानायनि नोंनि समा जोबबाय।
जानांगौ बियो आंनो खोथा होयो....
बुहुमाव आं बयखौबो समानै नायो
आंनि सोरांखौ आं बयनोबो होयो,
मिजिंनि दावबायारि...
आंनि नोजोराव नोंबो गुबुनबायदि
नों जेराव थागोन
आंबो थाफागोन बेयावनो,
जारां साननि रैदुब रोदानि
जारोम जारोम गाबफोरा
जानांगौ आंखौ बिदिनो खावलायो
आंबो आरो समाय लायो-
जिउ मिजिं होसोगोन
जारां साननि फोजाखांनायाव
जारां साननि थुलुंगानायाव
जारां सानखौनो आंगो लोगो साननानै
बिखौनो सानसिगोन आं
सासे थार लोगो होनना। ❖❖

फुंबिलिनि जारां सान

—भाग्य लक्ष्मी ब्रह्म
नैथि फरायसम

फुंबिलिनि समाव जेबोला
साना ओंखारो अब्ला जारां,
समायना महर लायो
आरो दाउसिन दाउलाफ्राबो मिलौदो
देंखोजों मेथाइ खनो।
जेबोला सानजाहा साना
ओंखारबोयो अबोला जारां रं समायना महर लायो।
बेबादिनो जोंनि गोसोयाबो रंजानो
गोसो जायो हाइला हुला।
जिब जुनार दाउमा दाउसानि
रंजानायखौ नुनानै जोंनि,
गोसोयाबो फुंबिलिनि जारां सानाव
रंजानो गोसो जायो।
बे बादिनो जेब्ला फुंबिलि जायो
अबोला गोसोया जोंनि रंजानो,
बोदोर जायो-
आय' फुंबिलि अरायसम दाबाय था नों।
नों बे फुंलि समाव जारां सानखौ
नुयोब्ला जोंनि गोसोया गोजोनै,
अरायसम फुंबिलि जाना थानाडो,
मालाबाबो मोनाबिलि दाजा नों।



'गोमबोर माहाजोन'

—लोमसार बर'
बि.ए. ब्रैथि फरायसम

फुं बिलि सिखारग्रोमोना इसोरखौ
सुंग्रिहग्रोदों। थाबायगलांना गावनि बारि बागानखौ
नायना मिनिझांदों। थाबायगलांनायैनो गोमबोरा
गावनि जिउनि गारबोनाय समखौ गोसोखांना हां
गोलाव गोलाव बोलायदों।

जेब्ला गोमबोरा उन्दैमोन बिनि बिमा बिफाया
बड'लेण्ड सोमावसारनायाव पुलिसनि गुलिजों
जिउ खोमानांगौ जादोंमोन। गोबां दुखु दाहाखौ
लानानै बियो गावनि जिउ दावहायाव थांना
थानायनि लामा नागिरदोंमोन। नाथाय बियो
रावनिबो अनसायनाय मोनियाव गंसे मटर गेरेजाव
थांनानै उन्दै समावनो खामानि मावनो गोनां
जादोंमोन। बिदिनो बियो बोसोर से उनाव सासे
माहाजोननि गारि हुगारग्रा जाहैदोंमोन। बियो
सानदोंमोन बिदिजों गावखौ फसंथानो हानाय
नडा। गुबुन राहा लानांसिगोन। बिथाडा साननाय
बादिनो बियो गंसे Organic Institution आव
अरगेनि आबादनि Course लानो थांनायसै।

सानसेखालि गोमबोरा गावनि Course खौ
फोजोबना गावनि जोनोम गामियाव फैनानै
नुफैबाय गावनि न'आ हाग्रा बंग्रा बुंफबजोबबाय।
बियो नुनानै जोबोद दुखु मोनबाय आरो बिखौ
दानझांनानै गंसे गेग्रेब देरा खानानै गावनि

बारियावनो अरगेनिक आबाद मावनो थिरांथा
लाबाय। जैरै थांखि बिदिनो खामानिखौबो मावनो
हादोंमोन। नाथाय दुखुनि बाथ्रा बिनि अरगेनिक
आबादनि फिथाइया जोंनि भारतआव बांसिन
बाहायजाया। बियो गोबां International
फालांगिरिफोरखौ लोगो हमनायसै आरो गावनि
आबाद फिथाइखौ गुबुन हादराव फानहरनायसै।
बिदिनो बियो गोबां रं खामायनो हानायसै।

सानसेखालि गोमबोरा सानबाय आंल' रं
खामायना मा जानो गोबां बर' फिसाफोरखौबो
आंनि आबादनि सोमोन्दै फोरोंना बिसोरखौबो
जौगाहोनांगोन। साननायबादिनो बियो
फोरोंमारनायसै आरो बिसोरनि आबाद फिथाइखौ
बायनानै गावनो International Market आव
फानहरनायसै। बियो गोबां रं आरजिनो हाबाय
आरो ओनसोलनि आबादारिफोरखौ गोबां
जौगाहोबाय।

गोमबोरनि न'आव दा गोबां गुबुनारिफोरा
Organik आबादनि सोमोन्दै सोल्लोंनो फैसै आरो
ओनसोलाव बिखौ गोमबोर माहाजोन होननाबो
मिथिसै। मानोना गोमबोरा बुहुमनि मादावनि नैथि
अरगेनिक आबादारि आरो फालांगिरि मासिखौ
आवग्रिनो हाबाय। ■■

बर' बिमा

—मिच चन्द्रमुखि बर'
ब्रैथि फरायसम

हे, बर' फिसा!
सानजाहा सान गारलै ओंखारबोगौ
जानजि खाफ्रा बिखा फोरदानना
हारिनि जौगानायनि फारसे जौखांदों।

थ 'फिनाय बिबाराबो
सान गोरलैजों लोगोसे बारस्राबोगौ,
बर' हारिनि हारियाबो
लासै लासै जौगाबोगौ।

बर'नि फिसा
नंलिया गेन्देला
थायासै बिसोर उन्दुना,
लासैनो सिखांबोगौ।

आलाय आरननि जारौ-मारौ गाबजों
बर'नि फिसाफोरा जानजि खाफ्रादों
गावनि हारिखौ जौगाहोनो
जौगानायनि लामाजों दैदेनलांदों।

जानानै दाथा नोंसोर
बादुवा गेन्देला
सानजाहा आलाय आरन
गोरलैयै नुजाबोगौ।

हे, बर'नि फिसाफोर
बर'नि खाफाला, लायैनो गेवबोगौ,
नंधारा बिसोर उन्दै निस्थार
जौगाखांदो हारिखौ आगोलाव दोननानै। ■■

फुंबिलि

—अमिसा ब्रह्म
नैथि फरायसम

सानजा अखांजों ओंखारबोगौ
नों जेब्ला गोमोहां जारौ महर लाना,
अब्ला आं हायना नाडो,
नोंनि फुंबिलि मिनिस्तु महरआव।

नों सासे देरफुनाय महरनि
समायना महर लायो जेब्ला,
सानजौफु सम जायोब्ला,
अब्ला जौनि गोसोआ रंजाखाडो।

फुंबिलि समनिफ्रायनो नोंदि
समायनाखा, नोंदि हायना गोनांखा,
सुबुंनि जिउनि थांना थानायनि
आगोमा राहागिरिखा।

बेलारोम सम सौफैयोब्ला नोंनि
महरा अनथाव-बाथाव जायो,
जेब्ला आफेल फिथाइ बायदि
दसे उनावनो नों गोमोरलांथ 'यो।

खोमसिनि महर लाखांनानै आरोबाव
नों फुंबिलि सम जाखांपिनो,
नों मिनिस्तुयै नुजाफैफिनो
सासे समायना सुबुंनि महरनि।

बिब्दिनो नोंजों लोगोसे आं
थाफानो, लोगो जाफानो गोसो जायो।
आं लुबैयो नों मानसि जानायमोनब्ला
बिबायदिनो अनबाय थागौमोन।

जेराव नों बुहुमखौ फोथांदों
बेबादिनो सुबुंनि हारि-माहारिनि
दावराव-दावसि, हेंथा-हेंसि
गासैखौबो फोजोबस्रांगौमोन। ■■

जारौलिं सान

—फबन दैमारी
बि.ए. ब्रैथि फरायसम

मिनिमि महर नोंनि
गोजा जारां महर नोंनि
खोलो खोलो बार बारनायजों
नोंनि जारां महरा
मा रादाब लाबोदों नों
दिनै मिनि खुसियै
बुहुम बिखायाव।
गोरबोआव थोब हाबदों
गोसोआव सुदेम
मोनखांदों
नोंनि गुरै आबिरजों
बिलिर फैनायाव
बुहुम हा मिथिंगायाव।
आय'! हनै जौब्लावबाय
नोंनि महर।
हरसे गोन्दो गोन्दो
दो उन्दुना
थारैनो नों
लाबोबाय सोरनिबा
सिमांखौ मोगथां।
नोंनि बिलिरनायाव
बुहुम बिखानि
जिबि आरिया
सिरि मोनखांबाय
हनै!
आरोबावसो बुंथावना

नोंनि महर
सानजा राइजोआ
समायसारो
गोजौ गाहाय हाजो सेरजों
नोंनि महर मिथिंगाया
मानोबा बबा दसेनि।
बराय बराय लाबो जाबाय
नोंनि महर।
हनै नोंनि मिनि बोनायाव
दावसिनफोरा
बिरलांदों फालो फालो
गावनि जिउनि थांखिसिम।
नों फैयाब्ला थारैनो
बुहुमा बेसेबा खोमसि दरसि
गोसो सोराडा सोराडा।
आं थारैनो नोंनि महराव
बावगोमाबाय बेसेदि मुहिनां
नों फैबाव आंनि
जिउ गोमोरनायनि उनाव
सोरां होनो
सानजानि अखोरांजों
गोदोना फैलाव फैलाव
आं बरायगोन
आंनि गोसो गोरबोजों। ७

कक्राझार सरकारि फरायसालिमा बर' फरायसा थुनलाइ आफादनि
मावफुं आफाद आरो सोद्रोमाफोर
मायथाइ: 2018-19

आफादगिरि लेडाइ	- ड० बन'बिना ब्रह्म मुझि सोरां बसुमतारी मुझि दानसोरां बसुमतारी थरायना जया बसुमतारी
थुनलाइ बोसोनगिरि	- मुझि दैसा बरगयारि मुझि प्रसेनजित नारजारि थरायना हाइनाझि ब्रह्म
गाहाइ नेहाथारि लेडाइ नेहाथारि	- सानसुमा बसुमतारी जांगिला नारजारि हेरेम्ब' बसुमतारी
गाहाइ सुजुगिरि सुजुगिरि	- प्लेट' दैमारी बिदिन्था बसुमतारी भाग्यझि बर' काजल नारजारि
सोद्रोमाफोर	- थरायना बावखुंगिरि ब्रह्म रिसाथ ब्रह्म नब' जयथि बसुमतारी रंजालु मोसाहारि साहारा बरगयारि

गाहाइ नेहाथारिनि बोसोरसालिया रायफोरथि
Annual Report



गिबि गिबियावनो बोसोरसालिया रायफोरथि होनायनि सिगां क.स.फ.ब. फ. थु.आ.नि आफादगिरि जॉनि क.स. फ.निनो गोरायुं मानगोनां डा: बनबिना ब्रह्म आरो जॉखौ जेब्लायबो हेफाजाब होबोनाय साफ्रोमब मानगोनां फोरोंगिरि सार आरो मेदाममोन लोगोसे साफ्रोम फरायसा-फरायसुलि बयनिसिमबो आंनि गोसो गोरबोनिफ्राय अन्नाय, मोजां मोन्नाय, सिबिनाय आरो खुलुमनायखौ बाउहरग्रोनाय जाबाय।

आं फोथायो 25 जानुवारि 2019 अक्ट'आ आंनि थाखाय जोबोर खाफाल गोनां सान, मानोना बे सानावनो 2018-2019 मायथाइनि क.स.फ.ब.फ.थु.आ.नि थाखाय गाहाय नेहाथारिनि बिबानाव आं सायख'जायो। बै दिनखालि आंनि गोसोआव जाखांफेदोंमोन जे आं गाहाय नेहाथारिनि बिबानाव लानानै हाबाफारिफोरखौ मावलांनो हागोन्ना हाया, नाथाय फोरोंगिरिफोरनि सुबुरुन, बोसोन आरो क.स.फ.ब.थु.आ.नि बारग' मावफुं आफादनि हेफाजाब लोगोसे फरायसुला-फरायसुलि लोगोफोरनि मददआव आं आंनि बिबानाव थानानै हाबाफारिफोरखौ मावफुंनो नाजाबोदों आरो मावबोदों, नाथाय बेसेबां जाफुंसार जाखो बेयो आंनि थाखाय गिलु बालु सोंथि, थारै बेसेबां जाफुंसारखो बेखौ बोसोनगिरि, फोरोंगिरि, आरो फरायसुला-फरायसुलि बिथांमोनहासो होनो हासिगोन। आरो आं आंनि गाहाय नेहाथारिनि बिबानावा थानानै मावबोनाय हाबाफारिफोराव गोरोंथि थाबोदों जानो हागौ बेनि थाखाय बयनिसिमबो खर' गंग्लायै निमाहा बिनाय जाबाय।

थुनलाइआ हारिनि आयना, थुनलाइनि जौगाखांनायाव हारिनि मान दान्दायाबो जौगायो, बेखायनो थुनलाइखौ जौगाखांनो जों बयबो नाजानांगौ। क..स.फ.ब.फ.थु.आ. (KGC BSLS) आ 1967 मायथाइयाव जोनोम मोन्नानै दिनैसिमबो सोलिगासिनो दं बेयो जॉनि थाखाय गोग्गाथाव आरो बाख्नायथाव बाथा।

जोबथारनायाव आं गाहाय नेहाथारि बिबानाव थानायाव आफादनि थांखि आरो थासारिजों गोरोंबनानै जॉनि आफादआ मावबोनाय हाबाफारिफोरखौ गाहायाव होनाय जाबाय।-

1. खुंगा 37थि ईशान मोसाहारि गोसोखां सान फालिनाय:-

2019 मायथाइनि 6, 7 आरो 8 फेब्रुवारि अक्टआव सान्थामनि हाबाफारिजों खुंगा 37थि ईशान मोसाहारि गोसोखां सान फालिनायखौ गाजा-गोमजायै खुंफुंनाय जायो। बे हाबाफारियाव गुबुन गुबुन जायगानिफ्राय गासै गं 11 गोजौसिन गेजेरारि फरायसालि आरो फरायसालिमाफोरा बाहागो लाफेदोंमोन। फरायसालि एबा फरायसालिमाफोरनि मुंखौ गाहायाव होनाय जाबाय-

I बासुगाव गोजौसिन- गेजेरारि फरायसालि।

- II गुरुदेव कालिचरण ब्रह्म फरायसालिमा, टिफकाइ।
- III खैराबारि फरायसालिमा, खैराबारि।
- IV इउ.एन. एकाडेमि, क'क्राझार।
- V टंला फरायसालिमा।
- VI बिगियान फरायसालिमा, क'क्राझार।
- VII उदालगुरि फरायसालिमा।
- VIII दतमा गोजौसिन गेजेरारि फरायसालि।
- IX आर'नाय फरायसालिमा, क'क्राझार।
- X बेंटल फरायसालिमा।
- XI बडाइगाव फरायसालिमा।

2. आगु बैसागु फोरबो फालिनाय:-

क.स.फ.ब.फ.थु.आ.आरो क.स.फ.आ.आ लोगो नांनानै ब्रैथि खेबनि थाखाय 13 एप्रिल 2019 अखट'आव आगु बैसागु फोरबो फालिनाय जादोंमोन।

3. रुंसारि सानजारां लक्षेश्वर ब्रह्मनि थैनाय गोसोखां सान फालिनायाव बाहागो लाहैनाय:-

बिजनि फरायसालिमायाव 1 आरो 2 सेप्टेम्बर अक्टआव खुंफुंजानाय सानजारां लक्षेश्वर ब्रह्मनि थैनाय गोसोखां सान फालिनायाव क'क्राझार सोरखारि फरायसालिमा बर' फरायसा थुनलाइ आफादआबो बाहागो लाहैदोंमोन आरो "सानजारां देरहासाद बान्था'खौ देरहाबोनो हादोंमोन। सानजारां देरहासाद बान्थाखौ बयनिखुइबो बांसिन बान्था मोन्नाय फरायसालि एबा फरायसालिमानो होनाय जायो।

बान्था मोनगिरिफोरनि मुं—

1. सानखां अवारि
सेथि बान्था, खन्थाइ आवरायनाय।
2. प्लेट' दैमारि
3. जुरि जौमा ब्रह्म
बुहुम सोरां
थामथि बान्था, (देमसि मोसानाय)।
4. निरनजन ब्रह्म
नैथि बान्था, (गोदान मेथाइ रोजाबनाय)।

5. दनेश्वर नारजारि
सानसुमा बसुमतारी
नैथि बान्था, (सोंगाब बादायनाय)।
6. निरनजन ब्रह्म
नैथि बान्था, (खुगा मेथाइ रोजाबनाय)।

जोबथारनायाव आंनि गोसो सिंनिफ्राय खुलुमनाय, सिबिनाय आरो अननाय मोजां मोन्नायखौ जौनि आफादिनि आफादिगिरि आरो फरायसालिमानि गोरयुं मानगोनां डा: बनबिना ब्रह्म मेदाम, जौनि फरायसालिमानिनो जोंखौ हेफाजाब होबोनाय साफ्रोम बिबुंगिरि सार आरो मेदाममोन, जौनि बारग' मावफुं आफादिनि सोद्रोमाफोर, आरो हाबाफारियाव हेफाजाब होबोनाय फरायसुला-फरायसुलि लोगो नोंथांमोन गासैनोबो खनसेबाव बाउहरनाय जाबाय। लोगोसे आं बे समाव साबायखर होनो सान्दों मानगोनां रानि हेलेन औवारि बिथांखौबो बोसोरफ्रोमबो जौनि ईशान मोसाहारि गोसोखां सान फालिनायाव "ईशान उनसंगिरि" बान्थाखौ हरनानै हेफाजाब होफैनायनि थाखाय। बिथांसिमबो गोसो गोरबोनिफ्राय खुलुमनाय सिबिनाय आरो अननाय मोजां मोन्नायखौ बाउहरनाय जाबाय।

लोगोसे जाय बिथांमोनहा बर' राव थुनलाइ आरो हारिमुखौ सिबिनानै गावसिनि आगोमा जिउखौ बाउबाय बिथां जोहोलाव-जोहोलावजो बिथांमोननि जिउ सोलेरा जाहाथे आलो गोजोनै थाहैयो बिनि थाखाय अबं ग'साइनाव आर'ज गाबनानै आंनि गाहाइ नेहाथारिनि बोसोरारि रायफोरथिखौ एसेयावनो फोजोबबाय।

गोजोन्थों।

क'क्राझार सोरखारि फरायसालिमा-थानानै थार्थों
क'क्राझार सोरखारि फरायसालिमा बर' फरायसा थुनलाइ आफाद— थानानै थार्थों।
बर' राव — गेवलांथों
बर' थुनलाइ— जौगासारथों
अन्जिमा लाइसि— जिउ लावथों
बर' हारि— देरहासाद

नोंथानि फोथायजाथाव-

मुस्रि सानसुमा बसुमतारी
गाहाइ नेहाथारि,
क.स.फ.ब.फ.थु.आ.।

हाख्राइ बिलाइ

खुंगा 37 थि ईसान मोसाहारी गोसोखां सान फालिनाय
खालार: 6, 7 आरो 8 फेब्रुआरी, 2019
थावनि: क'क्राझार सौरखारि फरायसालिमा



खुंफुंग्रा:
क'क्राझार सौरखारि फरायसालिमा बर' फरायसा थुनलाइ आफाद
माइथाय: 2018-19

- सोद्रोमाफोर
- मिथिसार गयारि
 - हायलिन नारजारी
 - सहुल बसुमतारी
 - प्रियंखा नारजारि
 - तेलसन इसलारि
 - सिमा ब्रह्म
 - लिनिमार्स इसलारि
 - समायना ब्रह्म
 - हितराज ब्रह्म
 - सुजोन सुमफअरामहारि
 - प्रनन्त बसुमतारि
 - रैसुमै नारजारी
 - अनसुला नारजारी
 - बुहुमसोरां बसुमतारि
 - क्लावदियास बसुमतारी
 - चापना ब्रह्म



आगु मावख' गाहाय बिफानारिफोरनि फारिलाइ
क 'क्राइर सरकारी फरायसालिमा बर' फरायसा थुनलाइ आफाद

दिहनाय	आफादगिरि	नेहाथारि	सुजुगिरि	मायथाइ
सेथि	पनिन्द्र नाथ ब्रह्म	नील कमल ब्रह्म	हेरम्ब नाजारी	1968
नैथि	--	बन्धुराम बसुमतारी	गुनेश्वर मोसाहारी	1969
थामथि	--	--	--	--
ब्रैथि	पनिन्द्र नाथ ब्रह्म	समेश्वर बसुमतारी	सुधानन्द मोसाहारी	1970-71
बाथि	--	रुधिर शंकर बसुमतारी	समेश्वर ब्रह्म	1974-75
द'थि	--	रहिनाथ औवारी	नबिन औवारी	1975-76
स्निथि	--	सतिस चन्द्र बसुमतारी	बेनुधर बसुमतारी	1976-77
दाइनथि	--	अनिल कुमार बसुमतारी	बिर चरण बसुमतारी	1977-80
गुथि	--	राजेन बर'	कलेन्द्र बसुमतारी	1981-82
जिथि	दानिराम बसुमतारी	प्रबन नाथ बरगयारी	दिनेश चन्द्र बरगयारी	1982-83
जिसेथि	--	पनिराम दैमारी	रेव रेवा नारजिहारी	1984-85
जिनैथि	--	गजेश्वर ब्रह्म	सुरन नाजारी	1985-86
जिथामथि	--	केसब दैमारी	सामल नाजारी	1986-87
जिब्रैथि	--	अरगें नाजारी	अबथिरा ब्रह्म	1987-88
जिबाथि	--	समेश्वर ब्रह्म मुसाहारी	बिलिफां ब्रह्म	1988-89
जिद'थि	--	--	--	1989-90
जिस्निथि	--	सानसोरां मुसाहारी	जायखलं ब्रह्म	1990-91
जिदाइनथि	--	अजागोरान बसुमतारी	बिमान ब्रह्म	1991-92
जिगुथि	--	जान्यलाल बसुमतारी	सैलेन बसुमतारी	1992-93
नैजिथि	--	कमल कुमार नाजारी	बारफुंगोरा नाजारी	1993-94
नैजिसेथि	जे.चि.ब्रह्म	जांखिखां बसुमतारी	कानसन नाजारी	1994-95
नैजिनैथि	एम.चि. ब्रह्म	रैरुब ब्रह्म	समित मोसाहारी	1995-96
नैजिथामथि	--	मनजित नाजारी	सन्दन कु. ब्रह्म	1996-97
नैजिब्रैथि	--	रहिम चन्द्र नाजारी	जगत बसुमतारी	1997-98
नैजिबाथि	--	बिरफुं नाजारी	उत्तम कु. ब्रह्म	1998-99
नैजिद'थि	--	बुद्धदेब बसुमतारी	रुफाम्री हाज'वारी	1999-2000
नैजिस्निथि	सुरथ नाजारी	पच्चल'सन ब्रह्म	सनजय नाजारी	2000-2001
नैजिदाइनथि	--	बावफुं ब्रह्म	धृतब्रत नाजारी	2001-2002
नैजिगुथि	--	देरहासाद ब्रह्म	इन्दिरा बसुमतारी	2002-2003

थामजिथि	--	अशक कु. बसुमतारी	निपुन गोरा बसुमतारी	2003-2004
थामजिसेथि	--	उरखाव ब्रह्म चौधुरी	नुसार बरगयारी	2004-2005
थामजिनैथि	नगेन्द्र ब्रह्म	--	कमल कुमार ब्रह्म	2005-2006
थामजिथामथि	बिनय कुमार ब्रह्म	रिमोनला बसुमतारी	डिस्क' मुसाहारी	2006-2007
थामजिब्रैथि	--	अमल बसुमतारी	दिपक बसुमतारी	2007-2008
थामजिबाथि	--	पृथ्विराज स्वर्गीयारी	एन्थनि नाजारी	2008-2009
थामजिद'थि	--	मुसुका मुसाहारी	अमर बसुमतारी	2009-2010
थामजिस्निथि	--	निस्थार ब्रह्म	दिपक हाज'वारी	2010-2011
थामजिदाइनथि	--	सुरज कु. बसुमतारी	मोदोमफु नारजारी	2011-2012
थामजिगुथि	ड० बिनय कुमार ब्रह्म	देरहासाद बसुमतारी	बिसु कु. ब्रह्म	2012-2013
ब्रैजिथि	--	सनजय ब्रह्म	सनजित नाजारी	2013-2014
ब्रैजिसेथि	--	मिलन मुसाहारी	सिमां कुंगुर बसुमतारी	2014-2015
ब्रैजिनैथि	--	मानेक नाजारी	जौंसार अवारी	2015-2016
ब्रैजिथामथि	--	बिजित नारजारी	अनसुला नारजारी	2016-2017
ब्रैजिब्रैथि	--	सोरां बसुमतारी	दैसा बरगयारी	2017-2018
ब्रैजिबाथि	ड० बनबिना ब्रह्म	सानसुमा बसुमतारी	प्लेट दैमारि	2018-2019



08-02-2019

फुबिलि 06:30 रिंगा: रेजंगा जानाय

फुबिलि 08:00 रिंगा: मिथिखायै बुंनाय बादायनाय

बुंथिगिरि- ड° हेमन्थ कुमार दास

लोगो प्रपेसर, असमिया बिफान, कःसःफः

फुबिलि 10:00 रिंगा: बाभ्रा दान्थे बादायनाय

आयदा- “नोगोरारि सोदांनाय बिल 2016 आ आसामनि थागिबि सुबुंफोरनि मोन्थायाव खहा लाबोगोन”

(CAB 2016 will endanger the rights of indigenous people of Assam)

बुंथिगिरि- मुन्नि वेरलाव कुंगुर कार्जि,

गाहाय प्रपेसर, राजखान्थि बिफान, कःसःफः

सानजौफु 12:00 रिंगा: सानजौफुनि जानाय

बेलासि 1:30 रिंगा: सावरायमेल - “सोनाबारि सान्थौ आरो बर’ थुनलाइआव बेनि गोहोम”

(Western Philosophy and its influence in Bodo Literature)

मासिगिरि- मुसि गबिन्द बर’

गाहाय प्रपेसर, बर’ बिफान, कःसःफः

बुंथिगिरि (Key note address)- ड° सुरथ नारजारी

बारग गोरायुं, कःसःफः

(क) फरायगिरि- ड° सिकना जन अवारि,

गाहाय प्रपेसर, ईराजि बिफान, कःसःफः

(ख) फरायगिरि- ड° भौमिक चन्द्र बर’

लोगो प्रपेसर, बर’ बिफान, बड’लेण्ड मुलुगसोलोसालि,

बेलासि 3:30 रिंगा: “अनजिमा लाइसि” बेखेवनाय आरो बान्था रात्राय

(क) लाइसि बेखेवगिरि- मुसिमा सुल’सना ब्रह्म,

गाहाय बिबुंगिरि, मोलोथाइ बिफान, कःसःफः

(ख) ईसान उनसंगिरि बान्था-

बान्था होगिरि- मुन्निमा राणी हेलेन औवारी,

फोरोंगिरि, क’क्राझार हिनजावसा गोजौ फरायसालि

(ग) बाखनाय बान्था-

बान्था होगिरि- मुन्निमा राज’सि नाथ

लेडाइ गोरायुं, कःसःफः

मानाव गेदेद/आंगो लोगो,

गोदान बोसोरनि गोजोन हामलायथि बावहरनानै नोंथां/नोंथांमोननिसिम फोरमाय हरनाय जायोदि थांखांनाय बोसोरफोरनि बादिनो क’क्राझार सोरखारि फरायसालिमा बर’ फरायसा थुनलाइ आफाद (Kokrajhar Govt. College Bodo Students’ Literary Society) आ खुंगा 37 थि ईसान मोसाहारी गोसोखां सानखौ 6, 7 आरो 8 फेब्रुआरी, 2019 खालार खालि क’क्राझार सोरखारि फरायसालिमायाव सानथामनि हाबाफारि लानानै खुंनो थि खालामनाय जादों । बे गोसोखां सान फालिनायाव थुनलायारि आयदानि बायदि बायदि बादायलायनाय हाबाफारिफोरजों लोगोसेयै उननि बिलायाव आबुडै सरजाबफानाय हाबाफारि बादियै “सोनाबारि सान्थौ आरो बर’ थुनलाइआव बेनि गोहोम” आयदानि सायाव वेंखन सावरायनाय हाबाफारिबो लाफानाय जादों ।

बेनिखायनो गोजौवाव मख’बोनाय अक्ट’नि हाबाफारियाव नोंथां/नोंथांमोन बयखौबो गावनि बेसेन गोसा समखौ एंगारनानैब्लाबो नुजाफैनानै गासै हाबाफारियाव बाहागो लाफैनो थाखाय गुरैयै हांखाइहरनाय जाबाय ।

गोजोन्थों ।

नोंथांमोननि फोथायजाथाव,

ड° बन’त्रिना ब्रह्म

आफादगिरि

मुन्नि सानसुमा बसुमतारी

गाहाय नेहाथारि

क’क्राझार सोरखारि फरायसा लिमा बर’ फरायसा थुनलाइ आफाद

हावाफारि

06-02-2019

बेलामि 01:00 रिंगा: गुबुन गुबुन फसंथान/ फरायसालि/ फरायसालिमानिक्राय नुजाफैनाय थान्दैफोरनि मुंसननाय (Registration).

बेलामि 04:00 रिंगा: गुबुन गुबुन फसंथान/ फरायसालि/ फरायसालिमानिक्राय नुजाफैनाय हानाय थान्दैफोरजों क'क्राझार मोरखारि फरायसालिमा बर' फरायसा थुनलाइ आफादनि गोजाम गोदान मावफु मोद्रोमाफोरनि सिनायथि फोरबो ।

मोनाबिलि 05:00 रिंगा: खिन्धिगासे थुनफावथाइ बादायनाय दैदेनगिरि- मुन्नि बारहुंखा मुसाहारी, गाहाय प्रपेसर, सान्थौ बिफान, क:स:फ:

मोनानि 08:00 रिंगा: मोनानि जानाय

07-02-2019

फुबिलि 06:30 रिंगा: रेजेगा जानाय

फुबिलि 07:00 रिंगा: फिरफिला बिरहोनाय

बिरहोगोन- ड° बन'बिना ब्रह्म

आफादगिरि, क:स:फ:ब:फ:थु:आ: आरो गोरायुं, क:स:फ:

फुबिलि 07:30 रिंगा: ईसान मोसाहरीनो बिबार बावनाय

वावजेनगोन- मुन्निमा राज'सि नाथ

लेडाइ गोरायुं, क:स:फ:

फुबिलि 08:00 रिंगा:मुंख्लं खाम्फायाव बिबार बावनाय

बावजेनगोन- मुन्नि सुसान्त नारजारी,

गाहाय प्रपेसर, जारिमिन बिफान, क:स:फ:

फुबिलि 08:30 रिंगा: "अनजिमा इन्जुर लाइसि" बेखेवनाय

बेखेवगोन- ड° सिबु बसाक,

गाहाय प्रपेसर, सानखान्थि बिफान, क:स:फ:

फुबिलि 09:00 रिंगा: जायगायावनो खन्थाइ आरो सुंद' सल' लिरनाय

बादायनाय

दैदेनगिरि- ड° उलका मण्डल,

गाहाय प्रपेसर, बेंगलि बिफान, क:स:फ:

दैदेनगिरि- मुन्नि गनेस बर'

लोगो प्रपेसर, बर' बिफान, क:स:फ:

फुबिलि 10:00 रिंगा: खन्थाइ आवरायनाय बादायनाय

खन्थाइनि मुं "मोदै" (ईसान मोसाहरी)

दैदेनगिरि- मुन्निमा बन'सि बारदवाज,

लोगो प्रपेसर, सान्थौ बिफान, क:स:फ:

फुबिलि 11:00 रिंगा: सोंगाब बादायनाय

(ईसान मोसाहरीनि सोमोन्दै सोंखनसे सोंलु आरो ब राव, थुनलाइ आरो हारिमुनि सायाव)

दैदेनगिरि- ड° गौरि संकर नारजारि

लोगो प्रपेसर, बहुमखौरां बिफान, क:स:फ:

मानजौफु 12:00 रिंगा: सानजौफुनि जानाय

बेलामि 1:30 रिंगा: हानजा सावरायनाय (Group Discussion) बादायनाय

आयदा- "मोन्द (6) हारिखौ S.T. सोसत्राया थाखानाय S.T. फोरखौ इयुनाव खहा खालामगोन"

(Inclusion of 6 new communities as ST will affect existing ST communities)

दैदेनगिरि- मुन्नि प्रेमजित कुमार बसुमातारी,

गाहाय प्रपेसर, बहुमखौरां बिफान, क:स:फ:

बेलामि 3:00 रिंगा: मेथाइ खननाय बादायनाय(हारसिं)

(क)खुगा मेथाइ

(ख)गोदान मेथाइ

दैदेनगिरि- ड° कमल बड'सा,

गाहाय प्रपेसर, रांखान्थि बिफान, क:स:फ:

मोनाबिलि 5:30 रिंगा: गोदान मोसानाय बादायनाय (बर मेथाइनि केसेतजों)

(क)हारसिं मोसानाय

(ख)जावजा मोसानाय

दैदेनगिरि- मुन्नि जयन्थ कुमार बर',

लोगो प्रपेसर, हिन्दि बिफान, क:स:फ:

मोनानि 8:00 रिंगा: मोनानि जानाय

(घ) बारग'सार फरायसालिमा बान्था-

बान्था होगिरि- ड° बन'बिना ब्रह्म

आफादगिरि, कःसःफःबःफःथुःआः आरो गोरायुं, कःसःफः

मोनाविलि 06:00 रिंगाः देखो मोनाविलि आरो बिदाय फोर्बो

बेखेवगिरि- मुस्त्रि आनानियाम हेमब्रम,

लोगो प्रपेसर, बुहुमखौरां बिफान, कःसःफः

मोनानि 08:00 रिंगाः मोनानि जानाय

नायनो गोनां

1. गोजौवाव मख'नाय हाबाफारि आरो बादायनायनि अनगायैबो खन्थाड, रनसाइ आगे सुंद' मल' लिरनानै लाबोनाय बादायनायबो थागोन । रनसाइ लिरनाय बादायनायनि आयदाया जाबाय- “जिउ राहा दाननायाव सोलो फेहेरनायनि गोनांथि”

(Importance of skill development for self-employment).

रनसाइ विदाडा बाजौ (500) सोदोबनि गेजेराव जोबनांगोन आरो फारसेल' लेखा बिलाइथि लिरनाय जानांगोन । गासैबो लिरबिदांखौ 06 फेब्रुआरी, 2019 खालार खालि बेलासि 3:30 रिंगानि सिगां अनजिमा लाइमिनि गाहाइ सुजुगिरिनि आखाइयाव एबा क'क्राझार मोरखारि फरायसालिमा बर' फरायसा थुनलाइ आफादनि लिरबिदां बाक्सुआव जमी होनांगोन ।

2. गंसे फसंथान एबा जौसिन फरायसालि/फरायसालिमानिफ्राय जायखिजाया आयदायाव सानैल' बादायनो हागोन।

3. गंसे फसंथान एबा जौमिन फरायसालि/फरायसालिमानि साफ्रोम बाहागो लाग्रायानो मुंसन (Registration) मासुल हिसाबै साफायाव 200.00 रां होनांगोन।

4. गंसे फसंथान एबा जौसिन फरायसालि/फरायसालिमानिफ्राय सा जिनै(12) बादायारि आजवनाय जागोन।

5. जायगायावनो लिरनाय बादायनायनि थाखाय लिर बिलाइखौ होनाय जागोन, नाथाय रेबगनखौ गावबा गाव लाबोनांगोन।

6. जायगायावनो लिरनाय बादायनायनि थाखाय बादायारि अनजिमानि बिबां थानाय नडा।

7. सोंगाव बादायनायनि सोंथिया होखानाय आयदानि सायावल' जागोन।

8. थुनफावथाय बादायनायाव गंसे फसंथान एबा फरायसालि / फरायसालिमानिफ्राय दोसेल' खिन्थानो हागोन। फावथाया 30 मिनिथनि गेजेराव जोबनांगोन।

9. देखो मोनाविलियाव गंसे फसंथान एबा फरायसालि/फरायसालिमानिफ्राय मोननैल' आयदायाव दिन्थिनो हागोन।

10. देखो मोनाविलियाव बर'नि रोजावनाय/मोसानायल' दिन्थिनो हागोन। लोगोसे फेस्ला आरो कमिकबो दिन्थिनो हागोन।

11. साबसिन थुनलाइ बादायारिनो मुस्त्रिमा राणी हेलेन औवारीनिफ्राय ईमान उनसंगिरि बान्था होनाय जागोन।

12. जाय फसंथान एबा फरायसालि/फरायसालिमाया मोजांमिन आब्रुथि दिन्थिनो हागोन, बेनि थाखाय खुंफुं आफादनिफ्राय बाखनाय बान्था होनाय जागोन।

13. जाय फसंथान एबा फरायसालि/फरायसालिमाया बांसिन बान्था मोननो हागोन, बे फरायसालि/फरायसालिमानो बारग'सार फरायसालिमा बान्था होनाय जागोन।

सामोल

“गोसोखां सान फालिनायनि आब्रुथिनि बेरेखायै थांनाय साफ्रोम बाहागो लाग्राखौनो मावथुन (Function)निफ्राय होरनहरनाय जागोन ।”